

পুরাণসংগ্ৰহ ।

মহর্ষি কৃষ্ণ দ্বৈপায়ন বেদব্যাস প্রণীত

মহাভারত ।

দ্বিতীয় পর্ক ।

ত্রয়োদশ খণ্ড ।

শ্রীযুক্ত কালীপ্রসন্ন সিংহ মহোদয় কর্তৃক
মূল সংস্কৃত হইতে বাঙ্গালা ভাষায় অনুবাদিত ।

“ সংসারের সমস্ত ব্যাপারই এই মহাভারতের অন্তর্গত, ইহাতে যাহা নাই,
তাহা আর কুত্রাপি দেখা যায় না। ” ঋষিবাক্য ।

সারস্বত্যাশ্রম ।

পুরাণ সংগ্ৰহ যন্ত্র ।

শকাব্দ ১৭৮৫ ।

ভূমিকা।



পুরাণসংগৃহের ত্রয়োদশ খণ্ডে স্ত্রীপর্ক প্রকাশিত হইল। এই পর্ক জলপ্রাদানিক, স্ত্রীবিলাপ ও শ্রীকৃষ্ণপর্কাদ্বায়ে বিভক্ত। মহর্ষি বেদব্যাস এই পর্কে পৃথরাক্ষের মাধুনা, গৌরবকামিনীগণের সমরাস্ত্রন দর্শন ও বিলাপ এবং সমরনিহিত যোগগণের দাহ ও অন্যান্য প্রেতকৃত্য সবিস্তার কীর্তন করিয়া গিয়াছেন। এই পর্কে অন্ধরাজ লৌহময় ভীমভদ্ৰ, পতিপরায়ণা গঙ্গারী পত্রশোকে কাতর হইয়া বাসুদেবকে “তুমি যদুবংশধর্মের কারণ হইবে” বলিয়া শাপ প্রদান এবং গঙ্গাস্বিনী কৃত্তী পাণ্ডবগণকে কর্ণের উদ্দেশে জলপ্রদান করাতে অনুরোধ করিয়া সর্বমমকে তাঁহার জন্মবৃত্তান্ত প্রকাশ করেন।

মহর্ষি কৃষ্ণদ্বৈপায়ন এই করুণরস পরিপূর্ণ স্ত্রীপর্ক রচনা করিয়া স্ত্রীয় অসাপারন কবিত্ব শক্তির পরিচয় প্রদান করিয়া গিয়াছেন। এই পর্ক পাঠ করিলে সহৃদয় ব্যক্তিমানেরই হৃদয় করুণরসে আদু ও নয়ন হইতে অবিরল অশ্রুধারা নির্গলিত হইবে, সন্দেহ নাই।

সারস্বতশ্রম, }
১৭৮৫ শক। }

শ্রীকালীপ্রসন্ন মিশ্র।

মহাভারতীয় স্ত্রীপর্বে সূচি পত্র ।

প্রকরণ	পৃষ্ঠা শুভ পংক্তি		
জলপ্রদানিক পক্ষারম্ভ--ধৃতরাষ্ট্রের } শোকাপনোদনার্থ উপদেশ প্রদান	...	...	১ ১ ১
ধৃতরাষ্ট্রের সমরাজ্ঞন দর্শনার্থ গমন	...	...	১২ ১ ১
অশ্বখামা, কৃপাচার্য ও কৃতবর্মার } ধৃতরাষ্ট্রাদির সমীপে গমন	...	...	১২ ২ ২৩
ধৃতরাষ্ট্রের লৌহময় ভীমভঙ্গ	...	...	১৩ ২ ২০
ধৃতরাষ্ট্রের ক্রোধ সম্বরণ	...	...	১৪ ২ ৩৫
ব্যাস কর্তৃক গান্ধারীর আশ্বাস প্রদান	...	...	১৫ ২ ২১
কুন্তীর পুত্রদর্শন	...	...	১৬ ২ ৬
স্ত্রীবিলাপপক্ষারম্ভ—গান্ধারীর যুদ্ধভূমি দর্শন	...	...	১৮ ২ ২১
গান্ধারীর দুর্যোধন দর্শন	...	...	২০ ২ ২১
গান্ধারী বাক্য	...	...	২১ ২ ৩১
কৃষ্ণের প্রতি গান্ধারীর অভিসম্বাস	...	...	২৮ ২ ১১
শ্রীপক্ষারম্ভ—কৌরবদিগের ঔর্দ্ধদেহিক কার্য সমাপান	...	...	৩০ ২ ১
কুন্তী কর্তৃক কর্ণের জয়বৃত্তান্ত কথন	...	...	৩২ ১ ১০

স্ত্রীপর্বে সূচিপত্র সম্মূর্ণ ।

মহাভারত ।

শ্রী পর্ব ।

জলপ্রাদানিক পর্বাধ্যায় ।

প্রথম অধ্যায় ।

নারায়ণ, নরোত্তম নর ও দেবী সর-
স্বতীরে নমস্কার করিয়া জয় উচ্চারণ
করিবে ।

জনমেজয় কহিলেন, হে ব্রহ্মন্ ! কুরু-
রাজ দুর্গ্যোধন ও উভয় পক্ষের সমুদায়
সৈন্যসামন্ত নিহত হইলে মহারাজ ধৃতরাষ্ট্র
ধর্মরাজ যুধিষ্ঠির ও রূপ প্রভৃতি মহারথ-
ত্রয় কি কার্যের অনুষ্ঠান করিলেন ? আমি
অশ্বখামার কার্য শ্রবণ করিলাম । অতঃ-
পর সঞ্জয় ধৃতরাষ্ট্রকে যাদ্য কহিলেন, তাহা
কীর্তন করুন ।

বৈশম্পায়ন কহিলেন, মহারাজ ! অন্ধ-
রাজের শত পুত্র নিহত হওয়াতে তিনি পুত্র-
শোকে নিতান্ত কাতর হইয়া মুকের ন্যায়
বাক্যলাপ পরিত্যাগ পূর্বক চিন্তাকুল চিত্তে
কাল হরণ করিতে লাগিলেন । মহাআ সঞ্জয়
তাঁহারে তদবস্থ অবলোকন করিয়া কহি-
লেন, মহারাজ ! শোক পরিত্যাগ করুন,
শোক করিবার কিছুমাত্র প্রয়োজন নাই ।
এক্ষণে অষ্টাদশ অশ্বোহিণী সেনা নিহত
হইয়াছে । বসুমতী জনশূন্য হইয়াছেন । যে
সকল ভূপাল দুর্গ্যোধনের সাহায্য নানা

দেশ হইতে সমাগত হইয়াছিলেন, তাঁহার
তাঁহার সহিত প্রাণ ত্যাগ করিয়াছেন । অতঃ-
পর আপনি পুত্র, পৌত্র, সুরুদ, জাতি,
গুরু ও পিতৃগণের যথাবিহিত প্রেতকার্য
নির্বাহ করুন ।

বৈশম্পায়ন কহিলেন, মহারাজ ! পুত্র-
শোকাদ্বিত রাজা ধৃতরাষ্ট্র সঞ্জয়ের সেই
করণ বাক্য শ্রবণ করিয়া বাতাহত ক্রমের
ন্যায় সহসা ভূতলে নিপতিত হইয়া কহিলেন,
সঞ্জয় ! আমার পুত্র, অমাত্য ও সুরুদগণ
নিহত হইয়াছে । অতঃপর চিরকালই আ-
মারে দীন হীনের ন্যায় এই পৃথিবীতে ভ্রমণ
করিতে হইবে । এক্ষণে বন্ধুবিহীন হইয়া
জরাজীর্ণ পক্ষহীন বিহঙ্গমের ন্যায় আমার
জীবন ধারণে প্রয়োজন কি ? দিবাংকর যেমন
রশ্মিহীন হইলে নিতান্ত শোভাশূন্য হন,
তদ্রূপ আমিও রাজ্যহীন, নেত্রহীন ও বন্ধু-
বিহীন হইয়া ক্রীড়ক হইলাম । পূর্বে পরশু-
রাম, দেবর্ষি নারদ ও কৃষ্ণদৈপায়নের হিত-
বাক্য শ্রবণ করি নাই এবং বাসুদেব সভামধ্যে
দ্বিতোপদেশ প্রদান ও ভীষ্মদেব ধর্মসংযুক্ত
বাক্য প্রয়োগ করিলে আমি তৎকালে
বধিরের ন্যায় অবস্থান করিয়াছিলাম, এ-
ক্ষণে সেই অপরাধেই এই অনুতাপ করিতে

হইল। হায়! বৃষভতুল্য মহাবীর দুৰ্য্যোধন, দুঃশাসন, কর্ণ ও সূর্য্যতুল্য মহাত্মা দ্রোণাচার্য্যের নিধনবৃত্তান্ত শ্রবণ করিয়া আমার হৃদয় বিদীর্ণ হইতেছে। আমি এমন কি দুষ্কর্ম্ম করিয়াছি যে, আমারে এই রূপ দুর্দ্দশাগ্রস্ত হইতে হইল। নিশ্চয়ই বোধ হইতেছে, আমি পূর্বে জন্মে কোন না কোন দুষ্কর্ম্ম করিয়াছিলাম, নচেৎ বিধাতা কেন আমারে একপ দুঃখভাগী করিবেন। দৈব প্রতিকূল হওয়াতেই আমারে এই বৃদ্ধাবস্থায় সমুদায় বন্ধু বান্ধবের বিনাশ দেখিতে হইল। পৃথিবীতে আমার তুল্য হতভাগ্য আর কেহই নাই। অতএব আজিই পাণ্ডবগণ আমারে ত্র্যক্ষলোক গমনের সুদীর্ঘ পথ আশ্রয় করিতে দর্শন করুক।

বৈশম্পায়ন কহিলেন, মহারাজ! তখন মহামতি সঞ্জয় ধৃতরাষ্ট্রকে নিতান্ত শোকা-র্দিত দেখিয়া সান্ত্বনা বাক্যে কহিলেন, নরনাথ! আপনি বৃদ্ধগণের মুখে সমুদায় বেদ ও বিবিধ শাস্ত্র শ্রবণ করিয়াছেন। সঞ্জয় পুত্রশোকাক্ত হইলে মুনিগণ তাঁহারে যেকপ উপদেশ প্রদান করিয়াছিলেন, তাহাও আপনার অবিদিত নাই; অতএব শোক পরিত্যাগ করুন। দুৰ্য্যোধন যৌবনমদে মত্ত হইলে আপনি অর্থলালসায় সুহৃদগ-ণের বাক্য গ্রহণ করেন নাই, নিরন্তর কেবল দুঃশীলগণের বাক্যানুরূপ কার্য্য করিতেন। এক্ষণে তাহারই ফল ভোগ করিতে হই-তেছে। আপনার বুদ্ধি অসিস্বরূপ হইয়া আপনারেই ছেদন করিতেছে। দুর্দ্দশা দুৰ্য্যোধন নিতান্ত ক্রুর, অহঙ্কারী, অসম্মত ও অসন্তুষ্ট ছিল। সে দুরাত্মা দুঃশাসন, কর্ণ, শকুনি, চিত্রসেন ও মদ্ররাজ শল্যের মন্ত্র-গার বশবর্ত্তী হইয়া কুরুবৃদ্ধ ভীষ্মদেব, গান্ধারী, বিদুর, দ্রোণ, কৃপ, বাসুদেব এবং ব্যাস ও নারদ প্রভৃতি ঋষিগণের বাক্যে কর্ণপাতও করে নাই। সতত কেবল যুদ্ধ-

বাসনাই প্রকাশ করিত। সেই নিমিত্তই সে রাজ্যের সহিত বিনষ্ট হইয়াছে। আপনি বুদ্ধিমান ও সত্যবাদী। ভবাদৃশ ব্যক্তির শোক মোহের বশবর্ত্তী হওয়া নিতান্ত অবি-ধেয়। দেখুন, আপনি ধর্ম্মের সমাদর না করিয়া কেবল যুদ্ধাভিলাষী ব্যক্তিদিগকেই প্রশংসা করিতেন, সেই নিমিত্তই যাবতীয় ক্ষত্রিয় বিনষ্ট ও শত্রুদিগের যশ পরিবর্দ্ধিত হইয়াছে। আপনি পূর্বে উভয় পক্ষের মধ্যস্থ হইয়াছিলেন, কিন্তু পুত্রগণকে হি-তোপদেশ প্রদান বা উভয় পক্ষে সমভাব প্রদর্শন করেন নাই। হে মহারাজ! যে কার্য্য করিলে শেষে অনুতাপ করিতে না হয়, সেই কার্য্যে প্রবৃত্ত হওয়াই মনুষ্যের শ্রেয়ঃকল্প। আপনি পুত্রের প্রীতি সাধনার্থ তাহারই মতানুযায়ী কার্য্য করিয়াছিলেন। সেই নিমিত্তই আপনারে এক্ষণে অনুতাপ করিতে হইল। যে আপনার পতন বিষয়ে কিছুমাত্র বিবেচনা না করিয়া মধুলোভে পক্ষপাতে আরোহণ করে, তাহারে নিশ্চয়ই নিপতিত হইয়া আপনার ন্যায় অনুতাপ করিতে হয়। যাহা হউক, এক্ষণে আপনি শোক পরিত্যাগ করুন। শোক অর্থ-লাভ, কললাভ, প্রিয়লাভ ও মোক্ষলাভের প্রধান প্রতিবন্ধক। যে ব্যক্তি স্বয়ং অধি উৎপাদন ও বস্ত্রে সংযোগ পূর্ব্বক দগ্ধ হইয়া দুঃখাক্ত হয়, তাহারে কখনই পণ্ডিত বলা যায় না। পূর্বে আপনারা পিতা পুত্রে লোভরূপ ঘৃত ও বাক্যরূপ বায়ু দ্বারা পাণ্ডবরূপ ভীষণ ছতাসন প্রজ্জ্বলিত করি-য়াছিলেন। আপনার পুত্রগণ সেই সমিদ্ধ পাবকে শলভকুলের ন্যায় দগ্ধ হইয়াছে। অতএব তাহাদের নিমিত্ত আর শোক করা কর্তব্য নহে। আপনি অশ্রুজল দ্বারা মুখ-মণ্ডল প্লাবিত করিতেছেন, উহা কিন্তু নিতান্ত শাস্ত্রবিরুদ্ধ। পণ্ডিতেরা কহেন যে, আত্মীয় ব্যক্তির শোকাশ্রু অনল স্বরূপ হইয়া

মৃত ব্যক্তিদিগকে দক্ষ করিয়া থাকে। অতএব আপনি শোক পরিত্যাগ পূর্বক ধৈর্যাবলম্বন করুন। মহামতি সঞ্জয় রাজা ধৃতরাষ্ট্রকে এই রূপে আশ্বাসিত করিতে লাগিলেন।

দ্বিতীয় অধ্যায়।

হে জনমেজয়! সঞ্জয়ের বাক্যাবসানে মহাত্মা বিদুর অমৃততুল্য বাক্যে রাজা ধৃতরাষ্ট্রকে পুলকিত করিয়া কহিতে লাগিলেন, মহারাজ! আপনি কি নিমিত্ত শয়ন করিয়া রহিয়াছেন; অবিলম্বে গাত্রোপথান পূর্বক ধৈর্যাবলম্বন করুন। কিছুই চিরস্থায়ী নহে। ক্ষয় স্তম্ভের অন্ত, পতন উন্নতির অন্ত, বিয়োগ সংযোগের অন্ত এবং মৃত্যুই জীবনের অন্ত। কৃতান্ত বীর ও ভীকু উভয়কেই আকর্ষণ করেন। অতএব ক্ষত্রিয়গণ কি নিমিত্ত স্বধর্ম্মানুসারে সংগ্রামে প্রবৃত্ত না হইবেন? দেখুন, লোকে যুদ্ধ না করিয়াও মৃত্যুমুখে নিপতিত হয় এবং যুদ্ধ করিয়াও জীবিত থাকে। ফলত কাল উপস্থিত হইলে কেহই তাহা অতিক্রম করিতে সমর্থ হয় না। হে মহারাজ! প্রাণিগণের জন্ম গ্রহণের পূর্বে অভাব থাকে, মধ্যে স্থিতি হয় এবং মৃত্যু হইলে পুনরায় অভাব উপস্থিত হইয়া থাকে। সুতরাং মৃত ব্যক্তিদিগের নিমিত্ত দুঃখ করিবার তাৎপর্য্য কি? মনুষ্য নিতান্ত শোকাবুল হইলেও যখন মৃত ব্যক্তির অনুগমন করিতে বা স্বয়ং মৃত্যুমুখে নিপতিত হইতে সমর্থ হয় না; তখন আপনি কি নিমিত্ত এই রূপ শোক প্রকাশ করিতেছেন। কৃতান্ত সকলকেই আশ্বাসিত করিয়া থাকেন। কেহই তাঁহার প্রিয় বা অপ্রিয় নহে। তৃণাশ্রয় সমুদায় যেমন বায়ুবেগের বশীভূত হইয়া উড়ডীন হয়, তদ্রূপ প্রাণিগণ কৃতান্তের বশীভূত হইয়া প্রাণ পরিত্যাগ করেন। হে মহারাজ! সকলকেই সেই একমাত্র কৃতান্তের করাল কবলে নিপতিত

হইতে হইবে। কাল সকলেরই অগ্রে অগ্রে ধাবমান হইতেছে। অতএব মৃত ব্যক্তিদিগের নিমিত্ত শোকের সম্ভাবনা কি? এক্ষণে যদি শাস্ত্রযুক্তি আপনার গ্রাহ্য হয়, তাহা হইলে সংগ্রামনিহত বীরগণের নিমিত্ত আর শোক প্রকাশ করিবেন না। তাঁহারা সকলেই উৎকৃষ্ট গতি লাভ করিয়াছেন। ঐ সকল বীর স্বাধ্যায় সম্পন্ন ও ব্রতপরায়ণ; বিশেষত তাঁহারা যুদ্ধে সম্মুখীন হইয়া বিনষ্ট হইয়াছেন। সুতরাং তাঁহাদের নিমিত্ত শোক করিবার প্রয়োজন কি। আর দেখুন, জন্ম গ্রহণের পূর্বে ঐ সমস্ত বীরগণের দর্শন লাভ হয় নাই এবং এক্ষণেও পুনরায় অদৃশ্য হইয়া গিয়াছেন; আর তাঁহাদিগের সহিত আপনার ও আপনার সহিত তাঁহাদিগের আর কোন সম্পর্কই নাই। সুতরাং তাঁহাদিগের নিমিত্ত শোক প্রকাশ করা নিতান্ত মূঢ়ের কার্য্য। হে মহারাজ! সমরে প্রবৃত্ত হইয়া নিহত হইলে স্বর্গলাভ এবং শত্রু বিনষ্ট করিলে যশোলাভ হইয়া থাকে। এই উভয়বিধ বিষয়ই বহুগুণাশ্রক; সুতরাং যুদ্ধপ্রবৃত্তি কখনই নিষ্ফল হইবার নহে। যাঁহারা সমরে নিহত হন, তাঁহারা ইন্দ্রের নিকট আতিথ্য লাভ করেন। দৈবরাজ্য রণনিহত ব্যক্তিদিগের নিমিত্ত অভীষ্ট লোক নির্দ্ধারিত করিয়া রাখেন, সন্দেহ নাই। বীরগণ সমরে প্রাণ ত্যাগ করিয়া যেমন অবিলম্বে স্বর্গ লাভ করেন, অন্যে প্রভূত দক্ষিণা দান সহকারে যজ্ঞানুষ্ঠান, তপস্যাধন ও বিদ্যানুশীলন দ্বারা সেক্ষণ করিতে সমর্থ হয় না। সেই সমস্ত মহাবীর বিপক্ষ বীরগণের দেহরূপ ছত্যাশনে শরানিকররূপ আছতি প্রদান পূর্বক অরতিগণের শরবেগ সহ্য করিয়াছেন। হে মহারাজ! যুদ্ধ ব্যতিরেকে ক্ষত্রিয়ের স্বর্গলাভের সুলভ পথ আর কিছুই নাই। সেই সমস্ত মহাবল

দ্বীপৰ।

পৰাক্ৰান্ত মহাত্মা ক্ষত্ৰিয় উৎকৃষ্ট গতি লাভ
কৰিয়াছেন। তাঁহাদিগের নিমিত্ত শোক
প্রকাশ করা নিতান্ত অনুচিত। এক্ষণে
আপনি শোকবেগ সম্বরণ পূৰ্বক ধৈৰ্য্যাব-
লম্বন করুন। শোকে অভিভূত হইয়া আপ-
নার কার্য্য বিস্মৃত হইবেন না। এই জগতে
সহস্র সহস্র লোকের মাতা পিতা ও পুত্র
কলত্র বর্তমান আছে, কিন্তু কেহই কাহারও
নহে। এই সংসারে শোক ও ভয়ের অসংখ্য
কারণ বিদ্যমান আছে; তৎসমুদায় প্রতি-
ন্যস্ত মূৰ্খকেই অভিভূত করিয়া থাকে,
পণ্ডিতের সম্মুখীন হইতে কদাচ সমর্থ হয়
না। হে মহারাজ! কাহারও উপর কালের
প্রীতি বা অপ্ৰীতি নাই। কাল কাহারই
প্রতি উদাসীন্য প্রকাশ করে না; সকলকেই
আকর্ষণ করিয়া থাকে। সকল প্রাণীই কাল
প্রভাবে পরিবৰ্দ্ধিত ও বিনষ্ট হয়। সকলে
নিদ্রিত হইলেও একমাত্র কাল নিরন্তর
জাগরিত থাকে। উহারে অতিক্রম করা
নিতান্ত সুকঠিন। দেখুন, জীবন, যৌবন,
কপ, ধন, আরোগ্য ও প্রিয়সহবাস কিছুই
চিরস্থায়ী নহে; বিবেচক লোকেরা এই
ভাবিয়াই ঐ সমস্ত বিষয়ে কোন ক্রমেই
লিপ্ত হন না। হে মহারাজ! এক্ষণে আ-
পনি কি নিমিত্ত একাকী এই সাধারণ-
ভোগ্য দুঃখ ভোগ করিতেছেন? লোকে
দুঃখ চিন্তা করিতে করিতে বরং স্বয়ং বিনষ্ট
হইতে পারে, কিন্তু অনুশোচন দ্বারা তাহার
সেই দুঃখ কদাচ নিরাকৃত হয় না। দুঃখ চিন্তা
না করাই দুঃখ নাশের প্রকৃত ঔষধ। নির-
ন্তর দুঃখ চিন্তা করিলে উহা কদাচ অপনীত
হয় না, প্রত্যুত পরিবৰ্দ্ধিত হইতে থাকে।
অপবৃদ্ধি মনুষ্যেরা অনিষ্টাপাত ও ইষ্ট-
বিয়োগ এই দুই কারণ বশত মনোদুঃখে
নিরন্তর দগ্ধ হয়। হে মহারাজ! শোক প্র-
কাশ করা ধৰ্ম্মানুশীলন, অর্থ চিন্তা বা সুখ-
ভোগ নহে। শোকাকুল হইলে লোকের

কার্য্যক্ষতি ও দ্বিবিগ্ন নাশই হইয়া থাকে।
মূৰ্খেরা বিশেষ দুর্দশা প্রাপ্ত হইয়া নিতান্ত
অসন্তুষ্ট হয়, কিন্তু পণ্ডিতেরা সেই অবস্থায়
সন্তোষ লাভ করিয়া থাকেন। বিজ্ঞ ব্যক্তি
প্রজ্ঞাবলে মানসিক দুঃখ ও ঔষধ প্রভাবে
দৈহিক দুঃখ অপনীত করিবেন। জ্ঞান ব্যতি-
রেকে অন্য কাহারই দুঃখ দূরীকণের তাদৃশ
ক্ষমতা নাই। পৰ্ব্বকৃত কৰ্ম্ম মনুষ্য শয়ন করি-
লে তাহার পশ্চাৎ শয়ন, অবস্থান করিলে
পশ্চাৎ অবস্থান ও ধাবমান হইলে উহা
তাহার পশ্চাৎ পশ্চাৎ ধাবমান হইয়া
থাকে। মনুষ্য যে যে অবস্থায় যেকপ শুভ
বা অশুভ কৰ্ম্মের অনুষ্ঠান করে, সেই সেই
অবস্থাতেই তাহার ফল ভোগ করিয়া থাকে
এবং যে শরীরে যেকপ কৰ্ম্মের অনুষ্ঠান
করে, তাহারে সেই শরীরে তাহার ফল ভোগ
করিতে হয়। মনুষ্য আপনিই আপনার
মিত্র, আপনিই আপনার শত্রু এবং আপ-
নিই আপনার কৃত ও অকৃত কার্য্যের সাক্ষী
স্বরূপ। শুভ কৰ্ম্মের অনুষ্ঠানে সুখ ও
পাপ কৰ্ম্মের অনুষ্ঠানে দুঃখ হইয়া থাকে।
সকলেই আপনার কৰ্ম্মানুসূচক ফল ভোগ
করে। কৰ্ম্মের অনুষ্ঠান না করিয়া কেহই
ফলভোগে সমর্থ হয় না। হে মহারাজ!
ভবাদৃশ বুদ্ধিমান ব্যক্তির কখনই জ্ঞান-
বিরুদ্ধ বহু পাপজনক কার্য্যে প্রবৃত্ত
হন না।

তৃতীয় অধ্যায়।

ধৃতরাষ্ট্র কহিলেন, মহাত্মন! তোমার
পরম উপদেশ বাক্য শ্রবণে আমার শোক
নিবারণ হইল। এক্ষণে আমি পুনরায় তো-
মার মধুর বাক্য শ্রবণ করিতে নিতান্ত অভি-
লাষী হইয়াছি। অতএব পণ্ডিতেরা অনি-
ষ্টাপাত ও ইষ্টবিয়োগজনিত মানসিক দুঃখ
হইতে কি কপে মুক্ত হইয়া থাকেন, তাহা
কীৰ্ত্তন কর।

বিদুর কহিলেন, মহারাজ ! যে যে উপায় দ্বারা মনোদুঃখ ও সুখ হইতে বিমুক্ত হওয়া যায়, পণ্ডিতেরা সেই সেই উপায় উদ্ভাবন পূৰ্বক সুখদুঃখবর্জিত হইয়া শান্তি লাভ করেন । আমরা যা কিছু চিন্তা করি, সকলই অনিত্য । মানবগণ কদলীবৃক্ষের ন্যায় নিতান্ত অসার পদার্থ । যখন বিদ্বান্, মূর্থ, ধনবান্ ও নিরুদ্বৈত সকলে একত্র হইয়া স্নায়ুপরিবৃত্ত অস্থিময় মাংসশূন্য গাত্রে শ্মশানে শয়ন করিয়া থাকে, তৎকালে অপর লোকে কিরূপে তাহাদিগের কুল, রূপ ও গুণের বিশেষ পরিচয় প্রাপ্ত হইবে ? লোকে আপনার বুদ্ধির দোষেই পরস্পর লিপ্ত হইয়া থাকে । পণ্ডিতেরা মানবদিগের দেহকে গৃহ স্বরূপ বলিয়া নির্দেশ করিয়া থাকেন । কালক্রমে সেই দেহ ধ্বংস হইয়া যায় । কিন্তু জীবাআর কোন কালেই বিনাশ নাই । লোকে যেমন জীর্ণ বস্ত্র পরিত্যাগ পূৰ্বক নূতন বস্ত্র পরিধান করে, জীবাআ তদ্রূপ এক দেহ পরিত্যাগ পূৰ্বক অন্য দেহ আশ্রয় করিয়া থাকেন । প্রাণিগণ স্ব স্ব কার্য্য দ্বারাই ইহলোকে সুখ দুঃখ ভোগ করিয়া থাকে । কৰ্ম্ম দ্বারা স্বৰ্গ ও সুখ দুঃখ লাভ হয় বলিয়াই মনুষ্য অবশ্যই হউক ও স্ববশই হউক, সততই কৰ্ম্মভার বহন করে । যেমন মৃগায় ভাণ্ডের মধ্যে কতগুলি কুলালচক্রে আকড়, কতগুলি কিঞ্চিৎ আকার সম্পন্ন, কতগুলি সম্পূর্ণ গঠিত, কতগুলি ছিন্ন, কতগুলি অরোপ্যমান, কতগুলি অবতীর্ণ, কতগুলি শুষ্ক, কতগুলি অনলদগ্ধ, কতগুলি অনল হইতে উদ্ধৃত ও কতগুলি জনসনাজে ব্যবহৃত হইয়া বিনষ্ট হইয়া যায়, তদ্রূপ প্রাণিগণের মধ্যে কেহ কেহ গর্ভবাস কালে, কেহ কেহ প্রসবান্তে, কেহ কেহ একদিন পরে, কেহ কেহ এক পক্ষান্তে, কেহ কেহ এক মাসাবস্থানে, কেহ কেহ এক বৎসর বা দুই বৎসর পরে, কেহ কেহ বৌবনাবস্থায়, কেহ

কেহ প্রৌঢ়াবস্থায় ও কেহ কেহ বৃদ্ধাবস্থায় দেহত্যাগ করিয়া থাকে । ভূতগণ জন্মান্তরীণ কার্য্য দ্বারা ইহলোকে জন্ম গ্রহণ বা মুক্তি লাভ করিয়া থাকে । হে মহারাজ ! যখন সংসারের এই রূপ গতি, তখন আপনি কি নিমিত্ত অনুতাপ করিতেছেন ? প্রাণিগণ যেমন সলিলে ক্রীড়া করিতে করিতে এক বার নিমগ্ন ও এক বার উন্মগ্ন হয়, তদ্রূপ অস্পবুদ্ধি লোক স্ব স্ব কৰ্ম্মানুসারে এই সংসারে ক্লেশ ও বিনাশ প্রাপ্ত হইয়া থাকে । আর যে সকল বিজ্ঞলোক ইহলোকে প্রাণিগণের হিত চেষ্টা করেন, তাহাদিগেরই পরম গতি লাভ হয় ।

চতুর্থ অধ্যায় ।

বৃতরাষ্ট্র কহিলেন, হে বাক্যবিশারদ ! অতি দুজ্জৈয় সংসারের গতি কি রূপে অবগত হওয়া যাইতে পারে, উহা শ্রবণ করিতে আমার একান্ত বাসনা হইতেছে, তুমি যথার্থ রূপে উহা কীর্তন কর ।

বিদুর কহিলেন, মহারাজ ! প্রাণীদিগের জন্মাবধি সমস্ত বৃত্তান্ত বর্ণন করিতেছি, শ্রবণ করুন । জীব সর্ব প্রথমে গর্ভ মধ্যে গাঢ় রক্তে লীন থাকে । পরে পঞ্চম মাস অতীত হইলে সর্বাঙ্গ সম্পন্ন হইয়া মাংস শোণিতলিপ্ত অতি অপবিত্র স্থানে বাস করে । পরিশেষে বায়ু প্রভাবে উৰ্দ্ধপাদ ও অধঃশিরা হইয়া যোনিদ্বারে আগমন ও বিবিধ ক্লেশ ভোগ করিয়া তথা হইতে মুক্ত হয় । এই রূপে প্রাণী ভূমিষ্ঠ হইয়া ক্রমে ইন্দ্রিয় পাশে বদ্ধ হইতে থাকে । তখন অন্যান্য বিবিধ উপদ্রব তাহারে আক্রমণ করিতে আরম্ভ করে । গ্রহ সমুদায় আশ্রয়লোলুপ সারমেয়গণের ন্যায় তাহার সন্নিধানে সমাগত হয় । ব্যাধি সকল কৰ্ম্মদোষে তাহার শরীরে প্রবেশ করে এবং আর আর বিবিধ ব্যসন তাহারে নিপীড়িত করিতে থাকে । মনুষ্য বালাকালে এই প্রকার বিবিধ

ক্রেণে পরিক্রিষ্ট হইয়া কোন ক্রমেই তৃপ্তি লাভ করিতে সমর্থ হয় না। ঐ সময় কাহারে সৎ কর্ম আর কাহারেই বা অসৎ কর্ম বলে, তাহা কিছুই অবগত হইতে সমর্থ হয় না। তৎকালে তাহার মঙ্গলাকাজক্ষী ব্যক্তিরাই তাহারে রক্ষা করিয়া থাকে। ভ্রান্ত বুদ্ধি ব্যক্তিগণ ক্রমে যমলোক গমনের সময় সমুপস্থিত হইতেছে বলিয়া বোধ করিতে সমর্থ হয় না; কিন্তু যমদূত তাহারে যথাকালে আকর্ষণ পূর্বক মৃত্যুমুখে নিপাতিত করে। সংসারের কি চমৎকার গতি! লোকে বারংবার আপনি আপনার বিনাশের কারণ হইয়াও আপনাকে উপেক্ষা করে। ক্রোধ, লোভ ও ভয়ের বশীভূত হইয়া একবারে জ্ঞানহীন রহিত হয় এবং কৌলীন্য মর্যাদা প্রভাবে কুলহীনদিগকে ও ধনদপে দরিদ্রগণকে নিন্দা করিয়া থাকে। অনেকে অন্যের উপর দোষারোপ ও অন্যকে মূর্থ জ্ঞান করে; কিন্তু আপনার শাসন বা আপনার প্রতি দৃষ্টিপাত করে না। যখন প্রাজ্ঞ ও মূর্থ, ধনবান ও নির্জন এবং মর্যাদাপন্ন ও মর্যাদাহীন সকলেই প্রাণ পরিত্যাগ পূর্বক একত্র হইয়া অস্থিত্ত্বিষ্ঠ শিরাসংযুক্ত মাংস-গূন্য কলেবরে শ্মশানে শয়ন করিয়া থাকে, তখন কেহ কোন প্রকার লক্ষণ দ্বারা তাহাদের কুল, কপ ও গুণ অবগত হইতে পারে না। যখন সকলকেই সমভাবে ধরাতলে নিপতিত হইয়া দীর্ঘ নিদ্রায় অভিভূত হইতে হইবে, তখন বুদ্ধিহীন মানবগণ কি নিমিত্ত পরস্পর পরস্পরকে বঞ্চনা করিতে বাসনা করে। হে মহারাজ! যে ব্যক্তি জন্মাবধি এই বাক্য শ্রবণ করে, তাহার অন্তে পরম গতি লাভ হয় এবং তাহার পক্ষে কোন পথই দুর্গম হয় না।

পঞ্চম অধ্যায়।

হতরাষ্ট্র কহিলেন, হে বিদুর! যে বুদ্ধি

প্রভাবে ধর্মগহনে প্রবেশ করা যায়, সেই বুদ্ধির বিষয় সবিস্তরে কীর্তন কর।

বিদুর কহিলেন, মহারাজ! আমি ভগবান্ ব্রহ্মার নমস্কার করিয়া আপনার আদেশানুসারে কীর্তন করিতেছি, শ্রবণ করুন। মহর্ষিগণ সংসারকে বনস্বরূপ বলিয়া নির্দেশ করেন। পূর্বে এক ব্রাহ্মণ ভ্রমণ করিতে করিতে এক দুর্গম অরণ্যে প্রবেশ করিয়াছিলেন। ঐ বন সিংহ, ব্যাঘ্র, গজ ও নিশাচরগণে সমাকীর্ণ ও ভীষণ শব্দে পরিপূর্ণ। উহা একপ ভয়ানক যে, দর্শন করিবার মাত্র কৃতান্তকেও একান্ত ভীত হইতে হয়। সেই ভীষণ অরণ্যে দর্শন করিয়া দ্বিজবরের অন্তঃকরণ নিতান্ত উদ্ভ্রম ও সর্বশরীর রোমাঞ্চিত হইয়া উঠিল। তখন তিনি কাহার শরণাপন্ন হইব এই ভাবিয়া দশ দিক্ নিরীক্ষণ করিতে করিতে প্রাণভয়ে ধাবমান হইলেন। কিন্তু কোন ক্রমেই সেই বনচরদিগকে অতিক্রম করিতে সমর্থ হইলেন না। পরিশেষে তিনি পর্যটন করিতে করিতে দেখিলেন যে, ঐ ভীষণ কানন বন্ধনজালে সমাবৃত ও শৈলেক্ষ ন্যায় সমুন্নত পঞ্চশীর্ষ নাগগণে সমাকীর্ণ। এক রূহংকায় কামিনী বাহুদ্বয় দ্বারা ঐ অরণ্য আক্রমণ করিয়া রহিয়াছে। ঐ কাননে সুদৃঢ় তৃণলতাদিমণ্ডিত একটা রূহং কূপ বিদ্যমান ছিল। দ্বিজবর ভ্রমণ করিতে করিতে সেই লতাবিতানজড়িত গভীর কূপে নিপতিত ও লতাজালে লগ্ন হইয়া উর্দ্ধপাদে অধোমস্তকে বৃন্তসংলগ্ন পনসফলের ন্যায় লম্বমান রহিলেন। ব্রাহ্মণ যে কূপমধ্যে লম্বমান হইয়াই নিষ্কৃতি লাভ করিলেন এমন নহে, ঐ স্থানেও তাহার অন্য এক উপদ্রব উপস্থিত হইল। তিনি তথায় সেই অবস্থায় অবস্থান পূর্বক দেখিলেন যে, একটা মহাসর্প ঐ কূপের অধোভাগে অবস্থিত রহিয়াছে এবং একটা ষড়্‌বক্ত্র দ্বাদশচরণ কৃষ্ণবর্ণ মদ-

মন্তু মাতঙ্গ ক্রমে ক্রমে ঐ কূপমুখস্থিত
রক্ষের সমীপে আগমন করিতেছে। ঐ
রক্ষের প্রশাখায় নানাকপধারী ভয়ঙ্কর মধু-
করগণ মধুক্রম আৰুত করিয়া নিরন্তর
প্রাণিগণের প্রার্থনীয় ব্রাহ্মারও লোভনীয়
অতি উপাদেয় মধু পান করিবার চেষ্টা
করিতেছে এবং কতগুলি কৃষ্ণসর্প ও শ্বেতবর্ণ
মূষিক দশন দ্বারা ঐ পাদপ ছেদনে প্রবৃত্ত
হইয়াছে। হে মহারাজ! সেই রক্ষশাখা
হইতে অনবরত মধুধারা নিঃসৃত হইতেছিল।
ব্রাহ্মণ ঐ সঙ্কট সময়েও সতত সেই মধু-
ধারা পান করিতে লাগিলেন, কিন্তু কিছু-
তেই তৃপ্তিলাভে সমর্থ হইলেন না। বরং
ঈশ্বরোত্তর তাঁহার অধিক লাভের প্রত্যাশা
বলবতী হইতে লাগিল। তখন ঐ অব-
স্থাতেও তাঁহার জীবনে কিছুমাত্র নির্ভেদ
উপস্থিত হইল না। হে মহারাজ! ঐ অরণ্যে
প্রথমত হিংস্রজন্তুগণ, দ্বিতীয়ত সেই ঘোর-
কপা কামিনী, তৃতীয়ত কূপের অধঃস্থিত
মহাসর্প, চতুর্থত কূপমুখস্থ রক্ষাভিমুখে
ধাবমান মন্তু মাতঙ্গ, পঞ্চমত মূষিকদশন-
হিঙ্গ রক্ষের পতন ও ষষ্ঠত মধুলুপ মধু-
করগণ হইতে বিষম শঙ্কা বিদ্যমান
রহিয়াছে। কিন্তু ব্রাহ্মণ সচ্ছন্দে সেই
অরণ্যে কূপমধ্যে সেই অবস্থায় অবস্থান
করিতে লাগিলেন, কোন ক্রমেই জীবিতাশা
পরিত্যাগ করিতে পারিলেন না।

ষষ্ঠ অধ্যায় ।

তখন পুত্ররাক্ষস দুঃখ প্রকাশ করিয়া
কহিলেন, হায়! সেই ব্রাহ্মণের তথায় অব-
স্থান করা নিতান্ত কষ্টকর হইল, সন্দেহ
নাই। তিনি কি নিমিত্ত তথায় অবস্থান
করিতে সম্মত হইলেন? তিনি যে স্থানে
বাস করিতেছেন, সে স্থান কোথায় এবং
তথ্য হইতে তাঁহার পরিব্রাজকের উপায়ই বা
কি, তাহা কীৰ্ত্তন কর। তাঁহার উদ্ধারের

নিমিত্ত আমার নিতান্ত বাসনা হই-
তেছে।

বিচূর কহিলেন, মহারাজ! মোক্ষধর্ম-
বিৎ পণ্ডিতগণ পূর্বোক্ত উপাখ্যান সংসারের
আদর্শ স্বরূপ কীৰ্ত্তন করিয়া গিয়াছেন।
মানবগণ উহা বিশেষ অবগত হইয়া সাব-
ধানে অবস্থান করিতে পারিলে পরলোকে
সুকৃত লাভে সমর্থ হয়। ইতিপূর্বে আপ-
নারে যে মহারণ্যের কথা কহিলাম, উহা
মহাসংসার। উহাতে যে সকল হিংস্র জন্তু
আছে, তাহারা ব্যাধি আর সেই রহস্যকায়
কামিনী কপলাবল্যবিনাশিনী জরা এবং
সেই কূপ মানবগণের দেহ-স্বরূপ। ঐ
কূপের অধোভাগে যে মহাসর্প বাস করি-
তেছে, সে মনুষ্যগণের সর্বসংহারকর্তা,
প্রাণীদিগের অন্তক কাল। ঐ কূপমধ্যে
যে লতা সঞ্জাত হইয়াছে এবং যাহাতে সেই
ব্রাহ্মণ লম্বমান রহিয়াছে, উহা মনুষ্যদিগের
জীবিতাশা। যে ষড়ানন কুঞ্জর ঐ কূপমুখস্থিত
রক্ষসমীপে গমন করিতেছে, উহা সংবৎসর
উহার ছয় মুখ ছয় ঋতু এবং দ্বাদশ চরণ
দ্বাদশ মাস। যে সকল মূষিক ও পল্লব
ঐ রক্ষ ছেদন করিতেছে, উহারা প্রাণিগণের
আয়ুঃক্ষয়কর দিবা ও রাত্রি। আর যে সকল
মধুকরের কথা উল্লেখ করিয়াছি, উহারা
কাম। আর সেই রক্ষ হইতে যে মধুধারা
নিঃসৃত হইতেছে, উহা কামরস। মানবগণ
ঐ রসে সতত নিমগ্ন হইয়া থাকে। হে
মহারাজ! পণ্ডিতগণ সংসারকে এই কূপ
স্থির করিয়া উহাতে বদ্ধ হন না।

সপ্তম অধ্যায় ।

পুত্ররাক্ষস কহিলেন, মহাশয়! তুমি
স্বীয় তত্ত্বদর্শিতা প্রভাবে অদ্ভুত উপাখ্যান
কীৰ্ত্তন করিলে। তোমার বাক্যামৃত পান
করিতে পুনর্বার কৌতূহল হইতেছে।

বিচূর কহিলেন, মহারাজ! পণ্ডিতেরা
যাহা শ্রবণ করিয়া সংসার হইতে মুক্ত হন,

আমি পুনর্বার সেই বিষয় সবিস্তরে কীর্তন করিতেছি, শ্রবণ করুন। লোকে যেমন অনেক পথ অতিক্রম করিতে হইলে নিতান্ত পরিশ্রান্ত হইয়া স্থানে স্থানে অবস্থান করিয়া থাকে, তদ্রূপ নির্কোষ লোকেরা এই সংসার পর্যটন ক্রমে বারংবার গর্ভবাস আশ্রয় করে, কিন্তু পণ্ডিতেরা তাহা হইতে মুক্ত হন, এই নিমিত্ত শাস্ত্রবিৎ বিজ্ঞ লোকেরা এই সংসার গহনকে পথ বলিয়াও নির্দিষ্ট করিয়া থাকেন। স্থাবর জঙ্গমাশ্রয় সমুদায় পদার্থই এই পথে নিরন্তর পরিভ্রমণ করিতেছে; কেবল পণ্ডিতগণ উহাতে বিরত হইয়া আছেন। ঐ পথে হিংস্রজন্তুর ন্যায় শারীরিক ও মানসিক বিবিধ ব্যাধি সতত মনুষ্যগণকে আক্রমণ করে। যদি কেহ কোন ক্রমে ব্যাধির হস্ত হইতে বিমুক্ত হয়, তাহা হইলে জরা ক্রমে ক্রমে তাহারে আক্রমণ পূর্বক তাহার রূপ বিনাশ করিতে থাকে, কিন্তু মনুষ্য এক্ষণে নির্কোষ যে, ঐ রূপ দুর্বস্থাভেদে কোন ক্রমে জীবিতবাসনা পরিত্যাগ করে না; সততই শব্দ, রূপ, রস, স্পর্শ প্রভৃতি বিবিধ ইন্দ্রিয়ভোগ্য বিষয়ে বিলিপ্ত থাকে। সংবৎসর, ঋতু, মাস, পক্ষ ও দিবাত্রা ক্রমে ক্রমে মনুষ্যগণের রূপ ও পরমাযু ক্ষয় করিতে থাকে; কিন্তু ঐ নির্কোষেরা উহাদিগকে কালের প্রতিনিধি বলিয়া অবগত হইতে পারে না। সকলে স্ব স্ব কর্মানুরূপ ফল ভোগ করিয়া থাকে। বিজ্ঞ ব্যক্তিগণ প্রাণিগণের শরীরকে যমের রথ, জীবনকে ঐ রথের সারথি, ইন্দ্রিয়গণকে উহার অশ্ব ও কর্ম বুদ্ধিরে ঐ অশ্বদিগের রশ্মি বলিয়া কীর্তন করেন। যে ব্যক্তি সেই ধাবমান অশ্বগণকে বুদ্ধিরূপ প্রগ্রহ দ্বারা নিরস্ত না করিয়া তাহাদের অনুধাবন করে, তাহারে এই সংসারচক্রে চক্রে ন্যায় পরিভ্রমণ করিতে হয়। আর যাহারা ঐ অশ্বগণের সহিত ভ্রমণ করিয়াও মুক্ত না হয়, তাহাদিগকে

এই সংসারে বারংবার ভ্রমণ করিতে হয় না।

হে মহারাজ! মানবগণকে এই রূপে সংসারচক্রে ভ্রমণ করিয়া বিবিধ দুঃখ ভোগ করিতে হয়; অতএব বুদ্ধিমান ব্যক্তির সেই দুঃখ নিবারণের নিমিত্ত বিশেষ যত্ন করা অবশ্য কর্তব্য। উহাতে উপেক্ষা করা কোন রূপেই বিধেয় নহে। উপেক্ষা করিলে উহা ক্রমে ক্রমে শতধা পরিবর্দ্ধিত হইতে থাকে। ইহলোকে যিনি ক্রোধলোভে বিবর্জিত, জিতেন্দ্রিয়, সন্তুষ্টচিত্ত ও সত্যবাদী, তিনিই শান্তি লাভে সমর্থ হন। আর যে ব্যক্তি নিতান্ত নির্কোষ ও মুক্ত, সেই আপনার মত রাজ্য, সুরূপ ও পুত্র বিনাশে নিতান্ত কাতর হইয়া অনুতাপ ও দুঃখ ভোগ করে। সংযতচিত্ত সাধুব্যক্তির জ্ঞানরূপ মহৌষধি প্রয়োগ পূর্বক দুঃখরূপ মহাব্যাধি নিরাকৃত করিয়া থাকেন। চিত্তশৈথিল্য দুঃখ বিমোচনের যেক্ষণ উৎকৃষ্ট উপায়, বিক্রম, অর্থ বা বন্ধুবান্ধব সেক্ষণ নহে। অতএব আপনি স্থিরচিত্ত হইয়া দুঃখ সংবরণ করুন। দম, দান ও অনবধানতা এই তিনটি ব্রহ্মার অশ্ব। যিনি শীলরূপ রশ্মি গ্রহণ পূর্বক ঐ তিন অশ্বসংযুক্ত মানসরথে আরোহণ করিতে পারেন, তিনি শমনভয় পরিহার পূর্বক অনায়াসে ব্রহ্মলোক গমনে সমর্থ হন। আর যিনি প্রাণিগণকে অভয় প্রদান করেন, তিনি অতি উৎকৃষ্ট বিষ্ণুলোকে গমন করেন। অভয়দানে যে রূপ ফল লাভ হয়, সহস্র যজ্ঞানুষ্ঠানে ও নিত্য উপবাসেও সেক্ষণ ফল লাভ হয় না। প্রাণিগণের মধ্যে আত্মা অপেক্ষা প্রিয়তর বস্তু আর কিছুই নাই। কেহই মৃত্যু অভিলাষ করে না। অতএব সর্বদা সর্বভূতে দয়া করা অবশ্য কর্তব্য। অসূক্ষ্মদর্শী ভ্রান্ত-বুদ্ধি মানবগণ মোহজালে জড়িত হইয়া অনবরত ভ্রমণ করিতে থাকে। আর সূক্ষ্মদর্শী মহাত্মারা শাস্ত্রত ব্রহ্মলোক প্রাপ্তি হন।

অষ্টম অধ্যায় ।

বৈশম্পায়ন কহিলেন, মহারাজ ! পুত্র-শোকাক্ত রাজা ধৃতরাষ্ট্র বিদুরের বাক্য শ্রবণানন্তর মুচ্ছিত হইয়া ভূতলে নিপতিত হইলেন । তখন কুরুদৈবপায়ন, বিদুর, সঞ্জয় এবং অন্যান্য বন্ধুবান্ধব ও দ্বারপালগণ তাঁহারে তদবস্থ অবলোকন করিয়া বহু ক্ষণ সুশীতল জলসেক, তালবৃন্ত বীজন ও গাত্র-সংস্পর্শ দ্বারা পরম যত্ন সহকারে তাঁহার মুচ্ছা অপনোদন করিলেন । এই রূপে অন্ধরাজ বহু ক্ষণের পর সংজ্ঞা লাভ পূর্বক পুত্রশোকে একান্ত অতিভূত হইয়া বিলাপ করত ব্যাসদেবকে কহিলেন, হে দ্বিজসন্তম ! মামবদেহ ধারণে ধিক্ । মনুষ্য দেহ ধারণ করিলেই পুত্র, অর্থ ও জ্ঞাতিকুটুম্ব বিনাশের নিমিত্ত পদে পদে বিষায়ি সদৃশ বিবিধ দুঃখ উপস্থিত হইয়া শরীর দক্ষ ও বুদ্ধি বিনষ্ট করিতে থাকে । দুঃখামিতে দেহ দক্ষ হইলে লোকে অচিরে মৃত্যু প্রার্থনা করে । এক্ষণে দুর্ভাগ্য বশতই আমার এই রূপ দুর্দশা উপস্থিত হইয়াছে ; অতঃপর প্রণা-পরিত্যাগ ব্যতীত এ দুঃখের আর নিকৃতি দেখিতেছি না ; অতএব আমি আজিই কলেবর পরিত্যাগ করিব । মহারাজ ! রাজা ধৃতরাষ্ট্র স্বীয় পিতা কুরুদৈবপায়নকে এই কথা কহিয়া শোকে নিতান্ত অতিভূত ও চিন্তায় একান্ত আকুল হইয়া তৃণীস্তাব অবলম্বন করিলেন ।

তখন মহর্ষি বেদব্যাস শোকসন্তপ্ত স্বীয় পুত্র ধৃতরাষ্ট্রের সেই বাক্য শ্রবণে তাঁহারে সন্মোদন পূর্বক কহিলেন, বৎস ! আমি তোমারে যাহা কহিতেছি, তাহা শ্রবণ কর । তুমি সর্বশাস্ত্রে বিশারদ, মেধাবী ও পরম ধার্মিক । কোন বিষয়ই তোমার অবিদিত নাই । মর্ত্যাদিগের অনিত্যতা বিষয় বিশেষ অবগত আছ । যখন সমস্ত জীব-

লোক অনিত্য এবং জন্ম পরিগ্রহকারী ব্যক্তিমাাত্রেরই মৃত্যু নির্দিষ্ট রহিয়াছে, তখন তুমি কি নিমিত্ত শোক করিতেছ ? দৈব তোমার সাক্ষাতেই দুর্ঘ্যোধনকে নিমিত্ত করিয়া তোমাদের এই বিরোধ উৎপাদন করিয়াছেন । সুতরাং কোরবকুলের ধ্বংস দৈবায়ত্ত ও অখণ্ডনীয় ; অতএব তুমি কি নিমিত্ত পরলোকগত বীরগণের নিমিত্ত অনুতাপ করিতেছ ? মহামতি বিদুর সন্ধি সংস্থাপন করিবার নিমিত্ত অনেক যত্ন করিয়াছিলেন, কিন্তু কোন ক্রমেই কৃতকার্য হইতে পারেন নাই । অতএব স্পষ্টই বোধ হইতেছে যে, লোকে চির কাল যত্ন করিলেও দৈব ও নিয়ম উল্লঙ্ঘন করিতে সমর্থ হয় না ।

হে বৎস ! দেবগণ তোমাদের কুলক্ষয়ের নিমিত্ত যাহা কহিয়াছিলেন, তাহা আমি স্বকর্ণে শ্রবণ করিয়াছি । এক্ষণে সেই বিষয় তোমার নিকট কীর্তন করিব । উহা শ্রবণ করিলেই তোমার মন স্থির হইবে । পূর্বে আমি একদা পুরন্দরের সভায় সমুপস্থিত হইয়া দেখিলাম, সমস্ত দেবতা ও নারদ প্রভৃতি দেবর্ষিগণ তথায় উপস্থিত রহিয়াছেন । ঐ সময় বসুমতীও স্বকার্য সাধনের নিমিত্ত তাঁহাদের সমীপে সমুপস্থিত হইয়া কহিলেন, হে দেবগণ ! তোমরা পূর্বে ব্রহ্মার নিকটতনে আমার নিমিত্ত যে কার্য সাধনে অঙ্গীকার করিয়াছিলে, অচিরে তাহার অনুষ্ঠান কর । তখন সর্বলোক পূজ্য-দীয় বিষ্ণু বসুমতীর সেই কথা শ্রবণে হাস্য করিয়া কহিলেন, বসুমতীরে ! ধৃতরাষ্ট্রের শত পুত্রের মধ্যে সর্বজ্যেষ্ঠ দুর্ঘ্যোধন তোমার কার্য সাধন করিবে । সে ভূপতি হইলেই তুমি কৃতার্থ হইবে । ঐ দুরাচার কার্য সাধনার্থ অন্যান্য ভূপালগণ কুরুক্ষেত্রে সমবেত হইয়া দৃঢ়তর অস্ত্রাঘাতে পরস্পরের বধ সম্পাদন করিলেই তোমার ভারলাঘব-

হইবে। এক্ষণে অবিলম্বে স্বস্থানে গমন করিয়া লোকদিগকে ধারণ কর।

হে মহারাজ! তোমার পুত্র দুর্ঘোষন লোক সংহারের নিমিত্ত কলির অংশে গাঙ্কারীর গর্ভে জন্ম গ্রহণ করে। সে নিতান্ত অমর্যপরাগণ, চপলস্বভাব, কুদ্ধ ও দুর্কিনীত ছিল। দৈব প্রভাবে তাহার ভ্রাতৃগণও তৎসদৃশ হইয়া উঠিয়াছিল এবং শকুনি মাতুল ও কর্ণ পরম সখা হইয়াছিল। দুর্ঘোষনের ন্যায় অন্যান্য অনেক ভূপতিও লোক বিনাশের নিমিত্ত পৃথিবীতে জন্ম পরিগ্রহ করিয়াছিল। রাজা যেকূপ স্বভাবসম্পন্ন হন, প্রজারাও তদনুসূত হইয়া থাকে। রাজা ধর্মপরাগণ হইলে অধর্মও ক্রমে ক্রমে ধর্ম হইয়া উঠে। স্বামীর গুণ দোষ প্রভাবে ভূত্যের গুণ দোষ সমুৎপন্ন হয় সন্দেহ নাই। দুষ্ক রাজার দোষেই তোমার অন্যান্য তনয়গণ নিহত হইয়াছে। অতএব তাহাদিগের নিমিত্ত অনর্থক শোক করিবার প্রয়োজন নাই। তোমার পুত্রেরা নিতান্ত দুরাচার ছিল; তাহাদের দোষেই সমুদায় পৃথিবী উচ্ছিন্নপ্রায় হইয়াছে। এ বিষয়ে পাণ্ডবগণের অণুমাত্র অপরাধ নাই। পূর্বে তত্ত্বদর্শী দেবর্ষি নারদ রাজসূয় যজ্ঞস্থলে যুধিষ্ঠিরকে কহিয়াছিলেন যে, মহারাজ! কোরব ও পাণ্ডবগণ পরস্পর যুদ্ধে প্রবৃত্ত হইয়া আপনাদিগের কুলক্ষয় করিবে, অতএব এক্ষণে তোমার যাহা কর্তব্য হয়, তাহার অনুষ্ঠান কর। ঐ সময় পাণ্ডবগণ নারদের সেই বাক্য শ্রবণে যাহার পর নাই শোক প্রকাশ করিয়াছিলেন। হে বৎস! এক্ষণে তোমার নিকট এই সকল গুণ্ড কথা প্রকাশ করিলাম। অতঃপর তুমি দৈবকৃত বিভ্রমনা অবগত হইয়া শোক পরিত্যাগ, প্রাণধারণে যত্ন ও পাণ্ডবগণের প্রতি স্নেহ প্রদর্শন কর। আমি পূর্বেই এই সমস্ত বৃত্তান্ত অবগত হইয়া রাজসূয় যজ্ঞসময়ে

ধর্মরাজ যুধিষ্ঠিরকে বিজ্ঞাপিত করিয়াছিলাম। যুধিষ্ঠিরও আমার মুখে ঐ কথা শ্রবণ করিয়া কোরবদিগের সহিত বিদ্রোহ ঘটনা না হইবার নিমিত্ত অনেক যত্ন করিয়াছিলেন। কিন্তু দৈবের বলবত্ত্ব ও অখণ্ডনীয়তা প্রভাবে কৃতকার্য হইতে পারেন নাই। কি স্বাবর, কি অক্রম, কাহারই কৃতান্তের নিয়ম অতিক্রম করিবার ক্ষমতা নাই। তুমি ধার্মিক, বুদ্ধিবিশারদ এবং প্রাণিগণের সদ্গতি ও দুর্গতির বিষয় বিলক্ষণ অবগত আছ; তবে কি নিমিত্ত এক্ষণে মুগ্ধ হইতেছ? রাজা যুধিষ্ঠির তোমাতে একূপ শোকাভিভূত জানিতে পারিলে প্রাণ পরিত্যাগেও কান্ত হইবেন না। ধর্মরাজ একান্ত ধীর। তিনি পশুপক্ষীর প্রতিও নিয়ত রূপা প্রকাশ করিয়া থাকেন। তোমার প্রতি তাহার দয়া না হইবার সম্ভাবনা কি? এক্ষণে তুমি আমার অনুরোধ রক্ষা, দৈবের অখণ্ডনীয়তা অনুধ্যান ও পাণ্ডবগণের প্রতি করুণা প্রকাশ করিয়া জীবন ধারণ কর; তাহা হইলে নিশ্চয়ই লোকসমাজে কীর্তি লাভ, ধর্মার্থের অনুশীলন ও দীর্ঘকাল তপোব্রতান করিতে সমর্থ হইবে। অতঃপর প্রজাকূপ জলসেচন দ্বারা প্রজলিত পুত্রশোকানল নির্বাপিত করাই তোমার অবশ্য কর্তব্য।

হে জনমেজয়! মহারাজ ধৃতরাষ্ট্র অমিতভেদ্য বেদব্যাসের সেই বাক্য শ্রবণানন্তর মুহূর্ত্তকাল চিন্তা করিয়া কহিলেন, মহর্ষে! আমি গুরুতর শোকে নিতান্ত অভিভূত হইয়াছি। বারংবার মোহ উপস্থিত হওয়াতে আমার আত্মজ্ঞান তিরোহিত হইয়া গিয়াছে। যাহা হউক, এক্ষণে আপনার মুখে নিগূঢ় বৃত্তান্ত শ্রবণ করিয়া অবগত হইলাম যে, আমার পুত্রগণ দৈবপ্রভাবেই নিহত হইয়াছে। অতএব আর আমি প্রাণ ত্যাগের বাসনা বা শোক প্রকাশ করিব না। মহারাজ!

তখন মহর্ষি বেদব্যাস ধৃতরাষ্ট্রের সেই বাক্য
শ্রবণ করিয়া সেই স্থানেই অস্থিত হইলেন ।

নবম অধ্যায় ।

জমমেজয় কহিলেন, ব্রহ্মন ! ভগবান্
বেদব্যাস প্রস্থান করিলে মহারাজ ধৃতরাষ্ট্র
কি করিলেন ? আর ঐ সময় ধর্মপুত্র যুধি-
ষ্ঠির ও রূপ প্রভৃতি বীরত্ব কি কার্যের
অনুষ্ঠান করিতেছিলেন, তাহা কীৰ্ত্তন করুন ।
আমি আপনার নিকট অশ্বখামার কার্য শ্রবণ
করিয়াছি । এক্ষণে সঞ্জয় ধৃতরাষ্ট্রকে যাহা
কহিলেন, তাহা শ্রবণ করিতে আমার নিতান্ত
অভিলাষ হইতেছে ।

বৈশম্পায়ন কহিলেন, মহারাজ ! অন-
ন্তর সঞ্জয়, দুর্যোধন ও তাঁহার সৈন্যগণের
বিনাশে হতবুদ্ধি হইয়া ধৃতরাষ্ট্র সমীপে
আগমন পূর্বক কহিলেন, মহারাজ ! নানা
দেশীয় ভূপালগণ কুরুক্ষেত্রে আগমন
করিয়া আপনার পুত্রগণের সহিত পিতৃ-
লোকে প্রস্থান করিয়াছেন । দুর্যোধন
বৈরতা উচ্ছিন্ন করিবার মানসে সমুদায় পৃ-
থিবী উচ্ছিন্নপ্রায় করিয়াছেন । এক্ষণে
আপনি যথানিয়মে পুত্র পৌত্র ও পিতৃ-
গণের প্রেতকার্য সম্পাদন করুন । অন্ধ-
রাজ ধৃতরাষ্ট্র সঞ্জয়ের মুখে এই রূপ নিদা-
রূণ বাক্য শ্রবণ করিয়া বিচৈতন ও মৃতকম্প
হইয়া ধরাতলে নিপতিত হইলেন । তখন
সর্বধর্মজ্ঞ মহাত্মা বিদুর তাঁহারে ভূতল-
শায়ী দেখিয়া কহিলেন, মহারাজ ! সমুদায়
জীবকেই মৃত্যুমুখে নিপতিত হইতে হইবে ;
অতএব আপনি শোক পরিত্যাগ পূর্বক
গাত্রোত্তান করুন । প্রাণিগণের জন্মের
পূর্বে অভাব, তৎপরে কিয়দ্দিন মাত্র স্থিতি
এবং পরিশেষে নিধনানন্তর পুনরায় অভাব
লক্ষিত হয় । অতএব তাহাদিগের নিমিত্ত
শোক করা বিজ্ঞ লোকের কর্তব্য নহে ।
শোক করিলে মৃত ব্যক্তিরে প্রাপ্ত বা স্বয়ং

মৃত্যুমুখে নিপতিত হওয়া যায় না । তবে
আপনি কি নিমিত্ত অনুতাপ করিতেছেন ।
দেখুন, লোকে সংগ্রামবিমুখ হইয়াও মৃত্যুগ্রস্ত
হয় এবং যুদ্ধ করিয়াও জীবিত থাকে ।
কাল উপস্থিত হইলে কেহই তাহা অতিক্রম
করিতে পারে না । কাল সমুদায় জীবকেই
আকর্ষণ করে । কালের প্রিয় বা অপ্রিয়
কেহই নাই । তুণরাশি যেমন বায়ুর বশী-
ভূত হইয়া উডডীন হয়, প্রাণিগণও তদ্রূপ
কালের বশীভূত হইয়া প্রাণ ত্যাগ করে ।
ইহ লোকস্থ সমুদায় জীবগণকেই এক স্থানে
গমন করিতে হইবে । অতএব কালবশবর্তী
ব্যক্তিদিগের নিমিত্ত শোক করা নিতান্ত
অকর্তব্য । আর আপনি যে সমস্ত মহাত্মার
নিমিত্ত শোক করিতেছেন, বস্তুত তাঁহারা
শোচ্য নহেন । তাঁহারা সমরে নিহত হইয়া
স্বর্গে গমন করিয়াছেন । বীরগণ যুদ্ধে
প্রাণ ত্যাগ করিয়া যেকূপ সহজে স্বর্গ
লাভ করেন, অন্যান্য লোকে প্রভুতদক্ষিণ
বহুসংখ্যক যজ্ঞ, তপস্যা ও বিদ্যা প্রভাবে
সেকূপ সহজে স্বর্গারোহণে সমর্থ হয় না ।
আপনার পক্ষীয় সমুদায় বীরই বেদবেত্তা
ও ব্রত পরায়ণ ছিলেন । তাঁহাদের মধ্যে
কেহই সংগ্রামবিমুখ হন নাই । তাঁহারা
বিপক্ষদিগের শরীরানলে শরাছতি প্রদান
ও অনায়াসে শত্রুনিষ্কিন্ত শরানকর গ্রহণ
করিয়াছেন । তবে আপনি কি নিমিত্ত তাঁহা-
দের নিমিত্ত অনুতাপ করিতেছেন ? যুদ্ধই
ক্ষত্রিয়দিগের স্বর্গলাভের উত্তম পথ ।
ক্ষত্রিয়ের পক্ষে সংগ্রাম অপেক্ষা আর
কিছুই শ্রেষ্ঠ নহে । আপনার পক্ষীয় মহা-
বল পরাক্রান্ত ক্ষত্রিয়গণ পরম গতি লাভ
করিয়াছেন । তাঁহারা কখনই শোচনীয়
নহেন । অতএব এক্ষণে আপনি স্বয়ং
আশ্বাসিত হইয়া শোক সম্বরণ করুন ।
শোকাভিভূত হইয়া কর্তব্য কার্যের অনু-
ষ্ঠানে বিরত হইবেন না ।

দশম অধ্যায়।

হে মহারাজ! তখন রাজা ধৃতরাষ্ট্র মহাত্মা বিদুরের সেই বাক্য শ্রবণ করিয়া যান সুসজ্জিত করিতে অনুজ্ঞা প্রদান পূর্বক পুনরায় বিদুরকে কহিলেন, মহাত্মন! তুমি গান্ধারী, কুন্তী ও অন্যান্য মহিলাগণকে অবিলম্বে আনয়ন কর। অন্ধরাজ বিদুরকে এই কথা বলিয়া শোকসন্তপ্ত চিত্তে যানে আরোহণ করিলেন। অনন্তর পুত্রশোকাক্ত গান্ধারী পতির আদেশানুসারে কুন্তী ও অন্যান্য অন্তঃপুরচারিণীদিগকে সমভিব্যাহারে লইয়া ধৃতরাষ্ট্রের নিকট আগমন করিলেন। রোদ্ধম্যমানা রমণীগণ রাজার সমীপে সমুপস্থিত হইয়া উচ্চৈঃস্বরে ক্রন্দন করিতে লাগিলেন। মহাত্মা বিদুর শোকসন্তপ্ত চিত্তে আত্মস্বরে সেই রোদ্ধম্যমানা কুলকামিনীদিগকে আশ্বাস প্রদান পূর্বক রথে সংস্থাপিত করিয়া পুর হইতে বাহির্গত হইলেন। ঐ সময় কোরবগণের প্রতিগৃহে আত্মনাদ হইতে লাগিল। আবাল বৃদ্ধ বনিতা সকলেই শোকে নিতান্ত অভিভূত হইল। পূর্বে দেবগণও যে রমণীগণের মুখাবলোকন করিতে পারেন নাই, এক্ষণে তাহারা অনাথা হইয়া সামান্য লোকের নেত্রপথে নিপতিত হইতে লাগিল। আলোলিতকেশা একবস্ত্রা কামিনীগণ অলঙ্কার উন্মোচন পূর্বক হরিণীগণ যেমন যথপতির বিনাশে দুঃখাৰ্ত্ত হইয়া শৈলগুহা হইতে বাহির্গত হয় তদ্রূপ গৃহ হইতে বাহির্গত হইলেন এবং শোকাকুলিত চিত্তে অঙ্গনচারিণী ঘোটকীর ন্যায় ইতস্তত ধাবমান হইয়া পিতা পুত্র ও ভ্রাতৃগণের নিমিত্ত উচ্চৈঃস্বরে রোদন করিতে লাগিলেন। তাঁহাদিগকে দেখিবামাত্র বোধ হয় যেন তাঁহারা যুগান্তকালীন লোক সংস্কারের বিষয় প্রকাশ করিতেছেন। ঐ সময় তাঁহারা শোকে নিতান্ত হতজ্ঞান

হইয়া কোন প্রকারেই কর্তব্যাবধারণ করিতে পারিলেন না। পূর্বে যে কামিনীগণ সমী-
জনের নিকটেও লজ্জায় নতমুখী হইয়া থাকিতেন, এক্ষণে স্বশ্রুদিগের সমীপেই লজ্জা পরিত্যাগ পূর্বক এক বস্ত্র পরিধান করিয়া রহিলেন। পূর্বে যাঁহারা অল্প শোকের কারণ উপস্থিত হইলে পরস্পর পরস্পরকে আশ্বাস প্রদানে প্রবৃত্ত হইতেন এক্ষণে তাঁহারা শোকে অধীর হইয়া পরস্পরের মুখাবলোকন করিতে লাগিলেন। রাজা ধৃতরাষ্ট্র এই রূপে সেই রোদ্ধম্যমানা রমণীগণে পরিবৃত্ত হইয়া দুঃখিত মনে সম-
রাজ্যে যাত্রা করিলেন। শিল্পী, বণিক ও বৈশ্যারা তাঁহার পশ্চাৎ পশ্চাৎ গমন করিতে লাগিল। ঐ সময় মহিলাগণের আত্মনাদে ত্রিভুবন ব্যথিত হইয়া উঠিল। বীরগণ যুগান্তকালে প্রাণিগণের ক্ষয় উপস্থিত হইয়াছে বলিয়া বোধ করিতে লাগিল এবং অনুরক্ত পুরবাসিগণ ব্যথিত হৃদয়ে উচ্চৈঃস্বরে রোদন করিতে আরম্ভ করিল।

একাদশ অধ্যায়।

অনন্তর মহারাজ ধৃতরাষ্ট্র ও তাঁহার পরিজনগণ এক ক্রোশমাত্র গমন করিলে মহারথ রূপাচার্য্য, অশ্বখামা ও কৃতবর্মা তাঁহাদের সমীপে সমুপস্থিত হইলেন। ঐ বীরত্ব জ্ঞানচক্ষু মহারাজ ধৃতরাষ্ট্রকে রোদ্ধম্যমান নিরীক্ষণ করিয়া দীর্ঘ নিশ্বাস পরিত্যাগ পূর্বক বাষ্পগচ্ছাদ স্বরে কহিলেন, মহারাজ! আপনার পুত্র অতি দুষ্কর কার্য সাধন করিয়া অনুচরগণের সহিত ইন্দ্রলোকে গমন করিয়াছেন। আমাদের অন্যান্য সমুদায় সৈন্যই বিনষ্ট হইয়াছে, এক্ষণে কেবল আমরা তিন জন অবশিষ্ট আছি।

অনন্তর মহাবীর রূপাচার্য্য পুত্রশোকাক্ত গান্ধারীরে সম্বোধন পূর্বক কহিলেন, রাজা!

তোমার পুত্রগণ যখন নির্ভীক চিত্তে বীর জনোচিত যুদ্ধে প্রবৃত্ত হইয়া শত্রুগণকে বিনাশ করিতে করিতে নিহত হইয়াছে, তখন নিশ্চয়ই তাহারা তেজঃপুঞ্জ কলেবর ধারণ করিয়া অমরগণের ন্যায় সুনির্মল দিব্য লোকে পরিভ্রমণ করিতেছে। আমাদের পক্ষীয় বীরগণের মধ্যে কেহই সমরে পরাজুথ বা শত্রুগণের শরণাপন্ন হইয়া নিহত হয় নাই। প্রাচীন মহাআরা ক্ষত্রিয়-গণের সমরমৃত্যুই উৎকৃষ্ট গতিলাভের কারণ নির্দেশ করিয়া গিয়াছেন। অতএব তাহাদের নিমিত্ত শোক করা কর্তব্য নহে। আপনার পুত্রগণের অরাতি পাণ্ডবগণও সহজে নিষ্কৃতি লাভ করিতে সমর্থ হয় নাই। অশ্বখামা, কৃতবর্মা ও আমি আমরা তিন জন, দুরাশ্রা ভীমসেন অধম্মানুসারে দুর্গো-ধনকে নিহত করিয়াছে অবগণ করিবামাত্র সেই রজনীতে শিবরমধ্যে প্রবেশ পূর্বক নিদ্রাভিভূত পাণ্ডবপক্ষীয় বীরগণকে বিনাশ করিয়াছি। ষষ্ঠদ্বায় প্রভৃতি পাঞ্চাল-গণ ও দ্রোপদীর পাঁচ পুত্র আমাদের হস্তে নিহত হইয়াছে। আমরা এই রূপে তোমার পুত্রের শত্রুগণকে বিনাশ পূর্বক পরিশেষে মহাধনুর্ধর পাণ্ডবগণ রোধতরে নিশ্চয়ই বৈর নির্যাতনার্থ সমাগত হইবে, বিবেচনা করিয়া প্রাণভয়ে পলায়ন করিতেছি। পু-ষ্কবপ্রধান পাণ্ডবগণ পুত্রদিগের নিধনবার্তা অবগণে উন্মত্তপ্রায় হইয়া আমাদের সংহার করিবার চেষ্টা করিতেছে। অতঃ-পর আর এ স্থানে অবস্থান করিতে সাহস হইতেছে না। এক্ষণে আপনি শোক সম-রণ করিয়া আমাদের প্রস্থানে অনুমতি প্রদান করুন। মহারাজও আমাদের গমনে অনুমতি প্রদান পূর্বক ধৈর্য্যাবলম্বন করিয়া ক্ষত্রিয়ধর্মের পরাকাষ্ঠা সন্দর্শন করুন।

হে জনমেজয় ! অনন্তর মহাবীর কুপা-

চার্য্য, কৃতবর্মা ও অশ্বখামা রাজা বৃতরা-ষ্ট্রকে প্রদক্ষিণ পূর্বক বারংবার নিরীক্ষণ করিতে করিতে ভাগীরথীর অভিমুখে রথ সঞ্চালন করিতে লাগিলেন। তাহারা কিয়-দূর অতিক্রম করিয়া পরস্পর পরস্পরকে আমন্ত্রণ পূর্বক উদ্বিগ্ন চিত্তে তিন জনে তিন দিকে ধাবমান হইলেন। মহাবীর কুপাচার্য্য হস্তিনাপুরে, কৃতবর্মা স্বীয় রাজধানীতে এবং দ্রোণতনয় অশ্বখামা ব্যাসাশ্রমের অভিমুখে গমন করিতে লাগিলেন। হে মহারাজ ! এই রূপে সেই বীরত্রয় সূর্য্যোদ-য়ের পূর্বে বৃতরাষ্ট্রকে আমন্ত্রণ পূর্বক স্ব স্ব ইচ্ছানুসারে পৃথক পৃথক স্থানে গমনে প্রবৃত্ত হইলেই মহারথ পাণ্ডবগণ পশ্চিমধ্যে অশ্ব-খামারে আক্রমণ করিয়া বিক্রম প্রকাশ পূর্বক পরাজিত করেন।

দ্বাদশ অধ্যায় ।

হে মহারাজ ! অনন্তর ধর্ম্মরাজ যুধি-ষ্ঠির বৃদ্ধ রাজা বৃতরাষ্ট্র হস্তিনা হইতে নিষ্ক্রান্ত হইয়াছেন অবগণ করিয়া তাহার সহিত সাক্ষাৎ করিবার মানসে মহাআ বাসুদেব, সাত্যকি, যুয়ুৎসু ও ভ্রাতৃগণ সম-ভিব্যাহারে যাত্রা করিলেন। দ্রোপদীও দুঃখশোকাকুলিত চিত্তে পাঞ্চালমহিলাগ-ণের সহিত ধর্ম্মরাজের অনুগমনে প্রবৃত্ত হই-লেন। অনন্তর ধর্ম্মনন্দন কিয়দূর গমন করিয়া দেখিলেন, পুত্রশোকপীড়িত বৃদ্ধ রাজা বৃতরাষ্ট্র মহিলাগণে পরিবৃত্ত হইয়া ভাগীরথীতীরে অভিমুখে গমন করিতেছেন। কামিনীগণ কুরুর ন্যায় দুঃখিত মনে এই বলিয়া বিলাপ করিতেছেন, হা ধর্ম্মরাজ ! এক্ষণে তোমার সে ধর্ম্মানুরাগিতা ও অনু-শংসতা কোথায় গেল ! তুমি কিরূপে ভ্রাতা, গুরুপুত্র ও মিত্রগণকে বিনাশ করিলে ! মহাবীর ভীষ্ম, দ্রোণ ও জয়দ্রথকে সংহার করিয়া কি তোমার মন ব্যথিত হই-

তেছে না! এক্ষণে 'মহাবীর' অভিমন্যু, দ্রৌপদীর পঞ্চ পুত্র এবং গুরু ও ভ্রাতৃগণ বিরহে তোমার রাজ্যলাভ নিতান্ত অকিঞ্চিৎকর হইবে।

ধর্মরাজ সুধিষ্ঠির সেই মহিলাগণের এই রূপ বিলাপ শ্রবণ করিতে করিতে তাহা-দিগকে অতিক্রম করিয়া রাজা ধৃতরাষ্ট্রকে প্রণাম করিলেন। তৎপরে অন্যান্য পাণ্ড-বেরাও স্ব স্ব নাম নির্দেশ পূর্বক অন্ধ-রাজের অভিধানে প্রবৃত্ত হইলেন। তখন রাজা ধৃতরাষ্ট্র অপ্রসন্ন মনে ধর্মরাজকে আলিঙ্গন ও সান্ত্বনা করিয়া স্বীয় দুর্ভাগ্য-ভিসন্ধি সম্পন্ন করিবার মানসে ভীমকে অনুসন্ধান করিতে লাগিলেন। তৎকালে রোদ হইল যেন তাহার শোকানল ক্রোধ-সমীরণে সঙ্কুচিত হইয়া ভীমসেনরূপ তৃণরাশি দগ্ধ করিবার অভিলাষ করিয়াছে। হে মহারাজ! অসাধারণ ধীশক্তিসম্পন্ন মহাত্মা বাসুদেব ইহার পূর্বেই ভীমের উপর ধৃতরাষ্ট্রের দুর্ভাগ্যবুদ্ধি বুঝিতে পারিয়া তাহার প্রতিবিধানার্থ লৌহময় ভীম সংগ্রহ করিয়া রাখিয়াছিলেন। এক্ষণে তিনি অন্ধ-রাজের ভাব দর্শনে তাহার অভিপ্রায় সর্বশেষ অবগত হইয়া ভীমকে হস্ত দ্বারা অবরোধ পূর্বক ধৃতরাষ্ট্রকে সেই লৌহময় ভীম প্রদান করিলেন। অযুত নাগতুল্য বলশালী মহারাজ ধৃতরাষ্ট্র সেই লৌহময় ভীমকে প্রাপ্তিমাত্র ভুজ দ্বারা গ্রহণ করিয়া যথার্থ ভীম বোধে বল প্রকাশ পূর্বক চর্ণ করিয়া ফেলিলেন। ভীমের লৌহময় প্রতিকৃতি চর্ণ করিবারাত্র ধৃতরাষ্ট্রের বক্ষঃস্থল বিমর্ষিত হইয়া গেল এবং আশ্রয়হীন হইতে অনবরত ক্রুদ্রপ্রবাহ নির্গত হইতে লাগিল। তখন তিনি শোণিতসিক্ত কলেবরে পুষ্পতপারিজাতের ন্যায় অচিরাত ভূতলে নিপতিত হইলেন। মহামতি সঞ্জয় তাহারে অবলম্বন পূর্বক সান্ত্বনা করিতে লাগিলেন।

কিয়ৎক্ষণ পরে রাজা ধৃতরাষ্ট্র ক্রোধ পরিত্যাগ পূর্বক শোকাকুলিত চিত্তে হা ভীম! হা ভীম! বলিয়া রোদন করিতে আরম্ভ করিলেন। তখন পুরুষপ্রধান বাসুদেব অন্ধরাজকে ক্রোধহীন ও ভীমবধে নিতান্ত কাতর দেখিয়া কহিলেন, মহারাজ! আর শোক প্রকাশ করিবেন না। আপনি লৌহময় ভীমকে চর্ণ করিয়াছেন; প্রকৃত ভীমকে বিনাশ করেন নাই। আমি আপনারে নিতান্ত ক্রোধাবিস্ট দেখিয়া ভীমকে মৃত্যুর দশনান্তর্গত বোধ করিয়া অগ্রেই অপসারিত করিয়াছিলাম। আপনার তুল্য বলশালী আর কেহই নাই। আপনি ভুজযুগল দ্বারা পরিগ্রহ করিলে কোন ব্যক্তি উহা সহ্য করিতে পারে। কৃতান্তের সন্নিহিত হইলে যেমন কেহ জীবিত সত্ত্বে বিমুক্ত হইতে পারে না, তদ্রূপ আপনার বাহুযুগলের মধ্যগত হইলে কোন বীরই জীবিত লাভে সমর্থ হয় না। আমি সেই নিমিত্তই আপনার নিকট দুর্ব্যো-ধননির্মিত লৌহময় ভীমপ্রতিমূর্ত্তি প্রদান করিয়াছিলাম। হে মহারাজ! আপনার মন পুত্রশোকে নিতান্ত সন্তপ্ত ও ধর্মভাব শূন্য হইয়াছে, এই নিমিত্তই আপনি ভীমসেনকে বিনাশ করিবার অভিলাষ করিয়াছিলেন। কিন্তু বস্তুত ভীমকে সংহার করা আপনার শ্রেয় নহে। দেখুন, আপনার পুত্র-গণ কদাচ জীবিত থাকতেন না। নচেৎ আমরা পূর্বে শান্তি স্থাপনের নিমিত্ত বিশেষ যত্ন করিয়াও কি নিমিত্ত রূতকার্য হইতে পারিলাম না? অতএব এক্ষণে উহা বিশেষ রূপে অনুধ্যান করিয়া শোক পরিত্যাগ করুন।

ত্রয়োদশ অধ্যায়।

হে মহারাজ! অনন্তর পরিচারকগণ অন্ধরাজের গাত্রপ্রক্ষালনাদি শৌচক্রিয়া

সম্পাদন করিলে বাসুদেব পুনরায় তাঁহারে কহিলেন, নরনাথ ! আপনি সমস্ত কার্য্য-কার্য্য বিবেচনায় সমর্থ ও বহুদর্শী এবং বেদ, পুরাণ ও রাজধর্ম্ম প্রভৃতি বিবিধ শাস্ত্র অধ্যয়ন করিয়াছেন। তবে কি নিমিত্ত স্বয়ং অপরাধ করিয়া ঈদৃশ কোপ প্রকাশ করিতেছেন ? তৎকালে আমি, ভীষ্ম, দ্রোণাচার্য্য, বিদুর ও সঞ্জয় আমরা সকলে আপনারে কহিয়াছিলাম যে, পাণ্ডবগণ সমধিক বলবীৰ্য্যশালী ; সুতরাং তাহাদের সহিত সন্ধিস্থাপনই অবশ্য কর্তব্য। হে মহাত্মন ! আমরা ঐ রূপে বারংবার আপনাকে সন্ধিস্থাপনে অনুরোধ করিলেও আপনি সে সময় আমাদের বাক্য উল্লেখন করিলেন ; কোন ক্রমেই তদনুসূত কার্য্য করিলেন না। দেখুন, যে স্থিরবুদ্ধি মহীপাল স্বয়ং আপনার দোষ দর্শন ও দেশকাল বিবেচনা করিয়া কার্য্য করেন, তিনি মঙ্গল লাভে সমর্থ হন। আর যিনি হিতাহিত বিষয়ে উপদেশ প্রাপ্ত হইয়াও তাহা গ্রহণ করেন না, তাঁহারে নিশ্চয়ই দুর্নীতি নিবন্ধন বিপদগ্রস্ত হইয়া শোক করিতে হয়। আপনি নিতান্ত চঞ্চলস্বভাব ও দুর্যোগ্যধনের বশবর্ত্তী ছিলেন বলিয়াই এই রূপ দুর্ব্বাস্তাগ্রস্ত হইয়াছেন ; অতএব এক্ষণে কি নিমিত্ত ভীমসেনকে সংহার করিতে ইচ্ছা করিতেছেন ? ভীমের অপরাধ কি ? যে নীচাশয় স্পর্ধা পূর্ব্বক দ্রৌপদীকে সভায় আনয়ন করিয়াছিল, মহাবীর বৃকোদর তাহারে বিনাশ করিয়া বৈর নির্গাতন করিয়াছেন। এক্ষণে আপনি নিরপরাধে পাণ্ডবগণকে পরিত্যাগ করিয়া কি রূপ অন্যায় কার্য্য করিয়াছিলেন, আর দুর্যোগ্যধন ও উহাদের উপর কত অত্যাচার করিয়াছিল, তাহা বিবেচনা করিয়া ক্রোধ সংবরণ করুন।

হে জনমেজয় ! দেবকীপুত্র বাসুদেব এই রূপ কহিলে ধৃতরাষ্ট্র তাঁহারে সম্বোধন

করিয়া কহিলেন, মাধব ! তুমি যাহা যাহা কহিতেছ, তৎসমুদায়ই সত্য ; কিন্তু বলবান্ অপত্যম্বেহ আমারে ধৈর্য্যচ্যুত করিয়াছিল, সেই নিমিত্তই আমি ভীমের অন্ততানুষ্ঠানে বাসনা করিয়াছিলাম। তুমি ভাগ্যক্রমে সত্যপরাক্রম মহাবল পরাক্রান্ত বৃকোদরকে রক্ষা করাতে সে আমার ভূজপঞ্জরে নিপতিত হয় নাই। যাহা হউক, এক্ষণে আমি একাগ্র-চিত্ত হইয়াছি ; আমার শোকতাপ সমস্ত দূরীভূত হইয়াছে ; অতঃপর মহাবীর ভীমসেনকে কুশল প্রশ্ন ও সাদর সম্বাষণ করিব। আমার তনয়গণ ও অন্যান্য ভূপতি সমুদায় নিহত হইয়াছে ; সুতরাং এক্ষণে পাণ্ডুতনয়গণই আমার প্রীতি ও মঙ্গলের আশ্রয় হইল। রাজা ধৃতরাষ্ট্র এই কথা বলিয়া রোদন করিতে করিতে ভীমসেন, ধনঞ্জয়, নকুল ও সহদেবকে আলিঙ্গন পূর্ব্বক তাঁহাদিগকে আশ্বাস প্রদান ও আশীর্বাদ করিতে লাগিলেন।

চতুর্দশ অধ্যায় ।

হে মহারাজ ! অনন্তর বাসুদেব ও পাণ্ডবগণ ধৃতরাষ্ট্রের অনুরূপ লইয়া গান্ধারীর নিকটে গমন করিলেন। পুত্রশোকাক্তা পতিপরায়ণা গান্ধাররাজকুহিতা ধর্ম্মরাজ যুধিষ্ঠিরকে অরাতিবিহীন অবগত হইয়া শাপ প্রদান করিতে অভিলাষ করিলেন। ঐ সময় দিব্যদৃষ্টি সর্ব্বভূতভাববেত্তা সত্যবর্ত্তীপুত্র বেদব্যাস পাণ্ডবগণের প্রতি গান্ধারীর দুর্ভিতসাক্ষ বৃত্তিতে পারিয়া ভাগীরথীর বিমল জলে অবগাহন পূর্ব্বক মনোমাকৃত বেগে অচিরাতঃ পুত্রবধূর সমীপে সমুপস্থিত হইয়া তাঁহারে শান্ত করিবার মাননে কহিলেন, বৎসে ! তুমি আমার বাক্যানুসারে পাণ্ডবগণের প্রতি কোপ পরিত্যাগ পূর্ব্বক শান্তিগুণ অবলম্বন কর। ইতি পূর্ব্বে তোমার পুত্র দুর্যোগ্যধন অরাতিগণের সহিত

সমরে প্রবৃত্ত হইয়া অষ্টাদশ দিবসই সময়ে সময়ে তোমার নিকট আগমন পূর্বক কহিয়াছিল, মাত! আমি শত্রুগণের সহিত সমরে প্রবৃত্ত হইয়াছি, আপনি আমার নজুল প্রার্থনা করুন। তুমিও সেই সেই সময়ে তাহারে কহিয়াছিলে, বৎস! যেখানে ধর্ম, সেইখানেই জয়। হে কল্যাণি! তুমি সমুদায় প্রাণীর হিতচেষ্টায় নিরত। তোমার বাক্য কদাপি মিথ্যা হইবার নহে। মহাত্মা পাণ্ডবগণ তুমুল যুদ্ধে অসংখ্য নৃপতির প্রাণ সংহার পূর্বক জয় লাভ করিয়া তোমার বাক্যের যথার্থ্য সম্পাদন করিয়াছে। পূর্বে তোমার অসাধারণ ক্ষমা, গুণ ছিল, আজি তুমি কি নিমিত্ত সেই গুণ পরিত্যাগ করিতেছ। এক্ষণে অধর্মকে পরাজয় করাই তোমার কর্তব্য। যেখানে ধর্ম, সেইখানেই জয় হইয়া থাকে। অতএব তুমি স্বীয় ধর্ম ও পুণ্যোক্ত বাক্য স্মরণ পূর্বক এক্ষণে কোপ সম্বরণ কর।

গান্ধারী কহিলেন, ভগবন্! পাণ্ডবগণের প্রতি আমার ঈর্ষা নাই। আর উহার যে বিনষ্ট হয়, ইহাও আমার অভিপ্রেত নহে। কিন্তু পুত্রশোকে আমার অন্তঃকরণ নিতান্ত বিহ্বল হইতেছে। কুন্তী যেমন পাণ্ডবগণকে রক্ষা করেন, তদ্রূপ আমার এবং রাজা বৃতরাষ্ট্রেরও তাহাদিগকে রক্ষা করা কর্তব্য। দুর্মতি দুর্ব্যোধন, শকুনি, কণ ও দুঃশাসনের অপরাধেই কুরুকুল ধ্বংস হইয়াছে। যুধিষ্ঠির, ভীমসেন, অর্জুন, নকুল ও সহদেবেরও কিছুমাত্র অপরাধ নাই। কৌরবগণ দর্পপ্রভাবে সংগ্রামে প্রবৃত্ত হইয়াই নিহত হইয়াছে, তন্নিমিত্ত আমি কিছুমাত্র আক্ষেপ করি না। কিন্তু মহাত্মা ভীমসেন যে দুর্ব্যোধনকে গদাযুদ্ধে আহ্বান পূর্বক, তাহারে অপেক্ষাকৃত শিক্ষানিপুণ দেখিয়া বাসুদেবের সাক্ষাতে তাহার নাতির অধোদেশে গদাঘাত করিয়াছে, উহার সেই

অধর্মই আমার কোপানল প্রজ্জ্বলিত করিতেছে। সংগ্রামস্থলে আপনার প্রাণ রক্ষার্থ সাধু জনসমুদ্ভিষ্ট ধর্ম পরিত্যাগ করা কি বীর পুরুষের উচিত কার্য?

পঞ্চদশ অধ্যায়।

হে মহারাজ! তখন মহাবীর ভীমসেন গান্ধারীর বাক্য শ্রবণগোচর করিয়া ভীত চিত্তে তাহারে অনুনয় সহকারে কহিতে লাগিলেন, মাত! আমি আত্মরক্ষা করিবার মানসে ভয় প্রযুক্ত যে কার্যের অনুষ্ঠান করিয়াছি, ধর্ম্যই হউক আর অধর্ম্যই হউক, আপনি তদ্বিষয়ে ক্ষমা প্রদর্শন করুন। আমি অধর্ম্যানুসারেই আপনার আত্মজকে বিনাশ করিয়াছি। ধর্ম্যযুদ্ধে তাহারে সংহার করা নিতান্ত দুষ্কর এবং সে আমারে বিনাশ করিলেই রাজ্য গ্রহণ করিবে, এই ভাবিয়াই আমি অধর্মপথ অবলম্বন করিয়াছিলাম। পূর্বে আপনার পুত্র দুর্ব্যোধন অধর্ম্যানুসারে ধর্মরাজকে পরাজয়, আমাদিগের সহিত সতত শঠতাচরণ এবং একবস্ত্রা রজস্বলা রাজকুমারী দ্রৌপদীর প্রতি বিবিধ দুর্ভাক্য প্রয়োগ করিয়াছিল। বিশেষত তাহারে আয়ত্ত না করিলে আমাদিগের এই সসাগরা বসুন্ধরা ভোগের কিছুমাত্র সম্ভাবনা ছিল না, এই নিমিত্তই আমি ঐ রূপ কার্যের অনুষ্ঠান করিয়াছি। হে আর্যো! যৎকালে সেই দুর্ভাচার সভামধ্যে আমাদিগের প্রতি যথোচিত কটুক্তি প্রয়োগ করিয়া দ্রৌপদীরে বাম উরু প্রদর্শন করিয়াছিল, আমরা তৎকালেই তাহারে বিনাশ করিতাম, কেবল ধর্মরাজের আদেশানুসারেই এত দিন সময় প্রতীক্ষা করিয়াছিলাম। হে আর্যো! রাজা দুর্ব্যোধন এই রূপে ধর্মরাজের অন্তঃকরণে বৈরানল সঞ্চিত করিয়া আমাদিগকে অরণ্যে প্রেরণ পূর্বক বিস্তর ক্রোধ প্রদান করিয়াছে। আমি

সেই নিমিত্তই ঐ রূপ অধর্ম কার্যের অনুষ্ঠান করিয়াছি। এক্ষণে দুর্ঘোষন বিনষ্ট হওয়াতে বৈরানল এককালে নির্বাণ হইয়া গিয়াছে। ধর্মরাজ যুধিষ্ঠির পুনরায় রাজ্য অধিকার করিয়াছেন এবং আমরাও রোব শূন্য হইয়াছি।

তখন গান্ধারী বৃকোদরের বাক্য শ্রবণ করিয়া কহিলেন, ভীম ! তুমি বৈর নির্ঘাতন মানসে দুর্ঘোষনকে অধর্মাসুরসারে নিহত করিয়া প্রশংসার কার্য কর নাই। আর বৃষসেন নকুলের অশ্ব বিনষ্ট করিলে তুমি যে দুঃশাসনের শোণিত পান করিয়াছিলে, তোমার সেই কার্যটি সাধুজনবিবর্জিত, ক্রুর ও অনার্য জনের সমুচিত হইয়াছে, সন্দেহ নাই। তখন ভীমসেন কহিলেন, আর্ঘ্যে ! আত্মীয়ের কথা দূরে থাকুক, অপরেরও রুধির পান করা অকর্তব্য ; বিশেষত ভ্রাতা আত্মার তুল্য, সুতরাং দুঃশাসনের রুধির পান আমার পক্ষে নিতান্ত অনুচিত, তাহার সন্দেহ কি। কিন্তু বস্তুত আমি তাহার রুধির পান করি নাই, দুঃশাসনের শোণিত আমার অধর ওষ্ঠ অতিক্রম করিয়া উদরস্থ হয় নাই ; কেবল তাহার শোণিতে আমার হস্তদ্বয় সংসিক্ত হইয়াছিল। এই বিষয় মহাবীর কর্ণ সম্যক্ অবগত ছিলেন। বৃষসেন নকুলের অশ্ব বিনাশ করিলে আপনার আত্মজগণ অতিশয় ক্ষুব্ধ হইয়াছিল। আমি তৎকালে তাহাদিগের ত্রাসোৎপাদনের নিমিত্ত ঐ রূপ অনুষ্ঠান করিয়াছিলাম। আর দেখুন, দ্রৌপদী দ্যুতে পরাজিত হইলে দুঃশাসন তাহার কেশাকর্ষণ করাতে আমি নিতান্ত রোষাবিষ্ট হইয়া তাহার রুধির পান করিব বলিয়া প্রতিজ্ঞা করিয়াছিলাম। সেই প্রতিজ্ঞা অদ্যাপি আমার অন্তঃকরণে জাগরুক রহিয়াছে। যদি আমি সেই প্রতিজ্ঞা প্রতিপালন না করিতাম, তাহা হইলে আমাকে যাব-

জীবন ক্ষত্রিয়ধর্ম পরিভ্রষ্ট হইয়া অবস্থান করিতে হইত ; এই নিমিত্তই আমি ঐ রূপ কার্যের অনুষ্ঠান করিয়াছিলাম। এক্ষণে আপনি আমার প্রতি দোষারোপ করিবেন না। আপনার পুত্রগণ আমাদিগের নিকট বিলক্ষণ অপরাধী হইয়াছিল। পূর্বে তাহাদিগকে শাসন না করিয়া এক্ষণে আমাকে কি নিমিত্ত দোষী করিতেছেন ?

তখন গান্ধারী কহিলেন, বৎস ! তুমি আমাদিগের এক শত পুত্রের মধ্যে যে তোমাদের অল্প অপরাধ করিয়াছিল, এমন একটিরও কি নিমিত্ত অবশিষ্ট রাখিলে না ? সেই পুত্রই এই অন্ধদ্বয়ের যক্ষীস্বরূপ হইত। এক্ষণে আমরা বৃদ্ধ ও অন্ধ হইয়াছি, আমাদিগের রাজ্যও অপহৃত হইয়াছে, এখন তুমিই আমাদিগের পুত্রস্বরূপ হইলে। যাহা হউক, যদি তুমি ধর্মপথ অবলম্বন করিতে, তাহা হইলে আমার একপ দুঃখ উপস্থিত হইত না।

হে মহারাজ ! পুত্রপৌত্রবধপীড়িতা রাজমহিষী গান্ধারী এই বলিয়া ক্রোধান্বিত চিত্তে পুনরায় কহিলেন, এক্ষণে ধর্মরাজ কোথায় ? তখন ধর্মরাজ যুধিষ্ঠির কৃতাজলিপুটে কল্পিত কলেবরে গান্ধারীরাজতনয়ার সন্নিহিত হইয়া মধুর বাক্যে কহিলেন, দেবি ! আমি আপনার পুত্রহন্তা, অতিনৃশংস এবং আপনাদিগের রাজ্যনাশের একমাত্র হেতু ; আপনি এক্ষণে আমাকে অভিশাপ প্রদান করুন। আমি আপনার শাপ প্রদানের উপযুক্ত পাত্র। আর্ঘ্যে ! আমি মিত্রদ্রোহী ও মূঢ়। আমি যখন তাদৃশ সুহৃদগণকে বিনষ্ট করিয়াছি, তখন আমার রাজ্য, জীবন ও ধনে আর কিছুমাত্র প্রয়োজন নাই। এই বলিয়া ধর্মরাজ দেহ অবনত করিয়া গান্ধারীর চরণে নিপতিত হইবার উপক্রম করিলেন। তখন দূরদর্শিনী গান্ধারী যুধিষ্ঠিরের বাক্য শ্রবণে কিছুমাত্র

প্রত্যুত্তর প্রদান না করিয়া দীর্ঘ নিশ্বাস পরিত্যাগ পূর্বক আবারও মধ্য হইতে তাঁহার অঙ্গুলির অগ্রভাগ দর্শন করিলেন। তাঁহার দৃষ্টিপাত হইবামাত্র রাজা যুধিষ্ঠির কুনখী হইলেন। ঐ সময় অর্জুন সেই ব্যাপার প্রত্যক্ষ করিয়া বাসুদেবের পশ্চাৎ ভাগে গমন করিলেন এবং অন্যান্য পাণ্ডবগণ সকলেই ভীত হইয়া ইতস্তত ভ্রমণ করিতে লাগিলেন। তখন বৃতরাষ্ট্রমহিষী গান্ধারী ক্রোধ সম্বরণ পূর্বক জননীর ন্যায় তাঁহা-দিগকে সাস্তুনা করিলেন।

অনন্তর পাণ্ডবগণ গান্ধারীর অনুজ্ঞা গ্রহণ পূর্বক বীরপ্রসূতি জননী কুন্তীর নিকট গমন করিলেন। পুত্রবৎসলা কুন্তী বহু দিন তনয়গণের মুখচন্দ্র নিরীক্ষণ না করিয়া অতিশয় কাতর হইয়াছিলেন এক্ষণে তাঁহা-দিগকে দেখিয়া বসনে মুখ আচ্ছাদন পূর্বক তাঁহা-দিগের সহিত রোদন করিতে লাগিলেন এবং পুত্রগণকে অস্ত্র শস্ত্রে ক্ষতবিক্ষত কলেবর দেখিয়া তাঁহাদের প্রত্যেকের গাত্রে বারংবার করস্পর্শ করিয়া নিতান্ত দুঃখিত হইলেন। তৎপরে তিনি হতপুত্রা দ্রৌপদীকে ভূতলে নিপতিত ও অনর্গল নির্গলিত অশ্রুজলে অভিষিক্ত দেখিয়া বিস্তর অনুতাপ করিলেন।

তখন দ্রৌপদী কুন্তীরে সম্বোধন পূর্বক কহিলেন, আর্য্যে! এক্ষণে অভিমন্যু ও আমার পুত্রেরা কোথায় গেল! তাহারা বহু দিনের পর এখনও আপনার সহিত সাক্ষাৎ করিবার নিমিত্ত আগমন করিতেছে না! আমি যখন পুত্রহীন হইয়াছি, তখন আর আমার রাজ্যে প্রয়োজন কি? তখন বিশাললোচনা কুন্তী যাজ্ঞসেনীরে ভূতল হইতে উত্থাপিত করিয়া পুত্রগণের সহিত আশ্বাস প্রদান করিতে লাগিলেন। ঐ সময় যশস্বিনী গান্ধাররাজতনয়া স্বীয় পুত্রবধূর সহিত তথায় আগমন করিয়া

দ্রৌপদীরে কহিলেন, বৎসে! তুমি আর দুঃখ প্রকাশ করিও না; দেখ, আমিও শোকদুঃখে একান্ত আকুল হইয়াছি; এক্ষণে স্পর্শই বোধ হইতেছে যে, এই লোকক্ষয় কালকৃত ও অবশ্যম্ভাবী। পূর্বে মহামতি বাসুদেব শস্তিস্থাপনের উদ্দেশে আগমন করিয়া কৃতকার্য্য না হওয়াতে মর্হাত্মা বিদুর যাহা কহিয়াছিলেন, তাহা সত্যই হইল। এক্ষণে এই দুর্নিবার হত্যাকাণ্ড অতিক্রান্ত হইয়াছে; অতএব এ সময় আর শোক প্রকাশের আবশ্যকতা নাই। বাহারা সংগ্রামে নিহত হইয়াছে, তাহাদের নিমিত্ত শোক করা অবিধেয়। আর দেখ, তুমি যে রূপ শোকে আকুল হইয়াছ, আমিও তদ্রূপ কাতর হইয়াছি; সুতরাং এক্ষণে কে আমা-দিগকে আশ্বাসিত করিবে? বস্তুত আমা-রই দোষে এই কুলক্ষয় হইল।

জলপ্রাদানিক পর্ব সমাপ্ত।

স্ত্রীবিলাপ পর্বাধ্যায়।

ষোড়শ অধ্যায়।

বৈশম্পায়ন কহিলেন, মহারাজ! ব্রহ্মচারিণী পতিপরায়ণা গান্ধারী দ্রৌপদীরে এই কথা বলিয়া মহর্ষি কৃষ্ণদ্বৈপায়নপ্রদত্ত বরপ্রভাবে দিব্য চক্ষু দ্বারা সেই স্থানে থাকিয়াই কোরবগণের রণভূমি দেখিতে পাইলেন। ঐ স্থান ভগ্ন রথ, অশ্ব, কেশ ও শোণিতে সমাবৃত এবং নর, অশ্ব ও গজ সমুদায়ের রুধিরোক্ষিত মৃত দেহে পরিপূর্ণ ছিল। অসংখ্য অশ্ব, গজ ও নরনারীগণ ঐ স্থানে ভীষণ রবে চীৎকার করিতেছিল এবং শৃগাল, বক, কাকোল, কঙ্ক, কাক, গৃধ্র ও রাক্ষসগণ মহা আত্মলাদে ইতস্তত ধাবমান হইতেছিল। দিব্য "জ্ঞানসম্পন্ন গান্ধারী দূর হইতে সেই রণস্থল অবলোকন

করিয়া করুণ স্বরে বিলাপ করিতে লাগিলেন ।

অনন্তর যুধিষ্ঠির প্রভৃতি পাণ্ডবগণ বেদ-
ব্যাসের অনুজ্ঞাক্রমে বাসুদেব ও বন্ধুবিশী
রাজা ধৃতরাষ্ট্রকে অগ্রসর করিয়া কৌরব
মহিলাগণ সমভিব্যাহারে সংগ্রামভূমিতে
গমন করিলেন । অনাথা কৌরববণিতাগণ
কুরুক্ষেত্রে সমুপস্থিত হইয়া দেখিলেন, তাঁহা-
দের কাহারও ভ্রাতা, কাহারও পুত্র, কাহারও
পিতা, কাহারও বা ভর্তা প্রাণ পরিত্যাগ
পূর্বক ভূতলে শয়ান রহিয়াছেন । গোমায়ু,
বল, বায়স, ভূত, পিশাচ ও রাক্ষসগণ পর-
মানন্দে সেই সমস্ত ব্যক্তিদিগের মাংস ভক্ষণ
করিতেছে । কামিনীগণ এই রূপে সেই
শ্মশানসদৃশ সমরভূমি নিরীক্ষণ করিয়া
হাহাকার করিতে করিতে বিচিত্র যান
হইতে নিপতিত হইতে লাগিলেন । কেহ
কেহ অদৃষ্টপূর্ব ভীষণ ব্যাপার দর্শনে
স্থলিতদেহ হইয়া ধরাশয়্যায় শয়ন করি-
লেন এবং কেহ কেহ নিতান্ত পরিত্রাণ বশত
বিচেতন হইয়া পড়িলেন । এই সময় পাঞ্চাল
ও কৌরবকামিনীগণের দুঃখের আর পরি-
মীমা রহিল না ।

তখন ধর্মশীলা গান্ধারী দুঃখার্ত নারী-
গণের রোদনশব্দে সমরভূমির চতুর্দিক-
পরিপূর্ণ দেখিয়া পুণ্ডরীকলোচন মধুসূদনকে
অম্বোধন পূর্বক করুণ বচনে কহিলেন,
বৎস ! এই দেখ, আমার বধূগণ অনাথা
হইয়া আলোলিত কেশে কুরুরীযুথের ন্যায়
রোদন করিতে করিতে তোমার নিকট
আগমন পূর্বক স্ব স্ব পতি, পুত্র, পিতৃ ও
ভ্রাতৃগণকে স্মরণ করিয়া তাহাদের মৃত
দেহের নিকট ধাবমান হইতেছে । এই দেখ,
সমরাস্ত্রন পুত্রহীনা বীরজননী ও পতিহীন
বীরপত্নীগণে পরিপূর্ণ হইয়াছে । তেজস্বী
পুরুষব্যাঘ্র ভীষ্ম, কর্ণ, অভিমন্যু, দ্রোণ,
ক্রপদ ও শল্য প্রাণ পরিত্যাগ করিয়াও

প্রজ্বলিত পাবকের ন্যায় দেদীপ্যমান রহি-
য়াছেন । এই দেখ, সমরভূমি মহাবীরগণের
কাঞ্চনময় কবচ, দিব্য মণি, অঙ্গদ, কেশর,
মালা, শক্তি, পরিঘ, সুতীক্ষ্ণ খড়্গ, শর ও
শরাসন সমূহে সমলঙ্কৃত হইয়াছে । ক্রব্যা-
দ-গণ স্থানে স্থানে অবস্থান, ক্রীড়া ও শয়ন
করিতেছে । হে মধুসূদন ! সমরভূমির এই
রূপ অবস্থা দেখিয়া আমার হৃদয় শোকা-
নলে দগ্ধ হইতেছে । কৌরব ও পাঞ্চাল-
গণ নিহত হওয়াতে বোধ হইতেছে, এক-
কালে পঞ্চ ভূত বিনষ্ট হইয়া গিয়াছে । এই
দেখ, সুপর্ণ ও গৃধ্রগণ শোণিতসিক্ত সহস্র
সহস্র বীরকে গ্রহণ পূর্বক ভক্ষণ করি-
তেছে । মহাবীর জয়দ্রথ, কর্ণ, দ্রোণ, ভীষ্ম
ও অভিমন্যুর বিনাশ চিন্তা করিলে কাহার
হৃদয় বিদীর্ণ না হয় ! হায় ! আজি এই সকল
দুর্গোপনবশবর্তী অমর্যপরায়ণ অবধ্যকণ্ঠ
বীরগণ নিহত ও শান্তভাবাপন্ন হইয়া গৃধ্র,
কক্ক, বল, শোন, কুকুর ও শৃগালগণের
ভক্ষ্য হইয়াছেন । যাহারা পূর্বে সুকো-
মল নির্মল শব্যায় শয়ন করিতেন, আজি
তাঁহারা নিহত হইয়া বিস্তৃত বসুধাতলে
শয়ান রহিয়াছেন । যাহারা যথাসময়ে বন্দি-
গণের স্তুতিবাদ শ্রবণ করিতেন, আজি
তাঁহাদিগকে শিবাগণের বিবিধ অশুভ ধ্বনি
শ্রবণ করিতে হইতেছে । পূর্বে যাহারা
অগুরুচন্দনে চর্চিত হইয়া শয়ন করিতেন,
আজি তাঁহারা ধূলিজালে ধূসরিত হইয়া-
ছেন । গৃধ্র, গোমায়ু ও বায়সগণ এক্ষণে
উর্ধ্বদিগের আভরণ হইয়াছে । ভয়ঙ্কর জম্বু-
কগণ বারংবার ভীষণ চাঁৎকার করত উর্ধ্ব-
দিগকে আকর্ষণ করিতেছে । যুদ্ধাভিমানী
নিহত বীরগণ নিশিত শরনিকর, খড়্গ ও
বিমল গদা ধারণ পূর্বক জীবিতের ন্যায়
শোভা পাইতেছেন । বিচিত্র মালা সমল-
ঙ্কৃত ঋষভতুল্য অসংখ্য বীর নিশাচরগণ
কর্তৃক ধরাতলে বিঘটিত হইতেছেন । পরি-

যথারী সহস্র সহস্র মহাবীর প্রিয়তমার
ন্যায় গদা আলিঙ্গন পূর্বক শয়ান রহি-
য়াছেন। রাক্ষসগণ বশ্ম ও আয়ুধধারী
অসংখ্য যোদ্ধাকে জীবিত বিবেচনা করিয়া
ভয়ে আকর্ষণ করিতেছে না। রাক্ষসসমা-
কূট বহুসংখ্যক বীর পুরুষের সুবর্ণময়
বিচিত্র হার চতুর্দিকে বিকীর্ণ হইতেছে।
শৃগালেরা ভীত হইয়া নিহত বীরগণের
কণ্ঠাবলম্বী হার আকর্ষণ করিতেছে। সুশি-
ক্ষিত বান্দীগণ পূর্বে উৎকৃষ্ট স্তুতিবাদ দ্বারা
যাহাদিগকে আনন্দিত করিত, এক্ষণে রম-
ণীগণ দুঃখ শোকে নিতান্ত কাতর হইয়া
তাহাদিগের নিকটে করুণ স্বরে বিলাপ ও
পরিতাপ করিতেছে। এই দেখ, কোরব
কামিনীগণের মনোহর বদনমণ্ডল নিতান্ত
পরিশুদ্ধ হইয়া গিয়াছে। উহার অবিরল
বাম্পাকুল লোচনে দুঃখিত মনে ইতস্তত
গমন করিতেছে। উহাদিগের মুখমণ্ডল অন-
বরত রোদন ও রোষপ্রভাবে রক্তবর্ণ হইয়া
রক্তোৎপলবনের ন্যায় শোভা পাইতেছে।
উহার ভীষণ রোদনকোলাহল প্রভাবে
পরস্পরের অপরিষ্কৃত বিলাপশব্দ শ্রবণ
করিয়া তাহার অর্থগ্রহ করিতে সমর্থ হই-
তেছে না। অনেকে বারংবার বিলাপ ও দীর্ঘ
নিশ্বাস পরিত্যাগ পূর্বক দুঃখে নিম্পন্দ হইয়া
প্রাণ ত্যাগ করিতেছে। অনেকে ভর্তৃগণের
মৃত দেহ দর্শন করিয়া মুক্তকণ্ঠে বিলাপ ও
শিরে করাঘাত করিতেছে। এই দেখ, বীর-
গণের ছিন্ন মস্তক, হস্ত ও স্ত্রপাকার অঙ্গ
প্রত্যঙ্গে রণভূমি সমাচ্ছন্ন হইয়াছে। মহি-
লাগণ বীরগণের মস্তকশূন্য দেহ ও দেহ-
শূন্য মস্তক নিরীক্ষণ করিয়া বিমোহিত
হইতেছে। কোন কোন কামিনী এক বীরের
দেহে অন্য বীরের মস্তক যোজনা করিয়া
হায়! কান্নার মস্তক কান্নার দেহে যোজিত
করিলাম বলিয়া দুঃখ প্রকাশ করিতেছে।
কেহ কেহ বীরগণের দেহে শরসংছিন্ন বাহু,

উরু ও চরণ সংযোজিত করিয়া দুঃখিত
মনে বারংবার মুচ্ছিত হইতেছে। কতগুলি
নারী পশুপক্ষীর নখদস্তাঘাতে ক্ষতবিক্ষত
ছিন্নমস্তক ভর্তৃগণকে সন্দর্শন করিয়াও
আপনার পতি বলিয়া জ্ঞাত হইতে সমর্থ
হইতেছে না। কেহ কেহ ভর্তা, ভ্রাতা, পিতা
ও পুত্রদিগকে শত্রুগণের হস্তে নিহত দেখিয়া
বারংবার শিরে করাঘাত করিতেছে। সখজ
বাহু, কুণ্ডলালঙ্কৃত মস্তক ও মাংসশোণিত
সঞ্জাত কর্দ্দমে রণভূমি নিতান্ত দুর্গম হইয়া
উঠিয়াছে। দেখ, যে কামিনীগণ পূর্বে
দুঃখের লেশমাত্রও জানিত না, এক্ষণে
তাহারা ভ্রাতা, পিতা ও পুত্রগণের হতদেহে
রণস্থল সমাচ্ছন্ন দেখিয়া এককালে দুঃখ-
সাগরে নিমগ্ন হইতেছে। হে কেশব! আমার
দীর্ঘকেশী পুত্রবধূগণ যে এক্ষণে এই কপ
মলিন ভাব অবলম্বন করিয়াছে, ইহা অপে-
ক্ষা দুঃখের বিনয় আর কি আছে! যখন
আমারে পুত্র পৌত্র ও ভ্রাতৃগণকে নিহত
নিরীক্ষণ করিতে হইল, তখন নিশ্চয়ই
বোধ হইতেছে যে, আমি পূর্ব জন্মে ঘোর-
তর পাপানুষ্ঠান করিয়াছিলাম। অন্ধরাজ-
মহিষী এই কপ বিলাপ করিতে করিতে
রণনিহত দুর্ঘোষনকে অবলোকন করিলেন।

সপ্তদশ অধ্যায়।

হে মহারাজ! তখন গান্ধারী দুর্ঘো-
ষনকে দেখিবামাত্র শোকে মুচ্ছিত হইয়া
ছিন্নমূল কদলীর ন্যায় সহসা ভূতলে নিপ-
তিত হইলেন এবং অনতিবিলম্বেই সংজ্ঞা
লাভ করত রুধিরাক্ত কলেবর রণশয্যায়
শয়ান কুরুরাজকে আলিঙ্গন পূর্বক হা
পুত্র! হা পুত্র! বলিয়া উচ্চৈঃস্বরে বিলাপ
করিতে লাগিলেন। তাঁহার নেত্রজলে
দুর্ঘোষনের হারবিভূষিত বিপুল বক্ষঃস্থল
অভিষিক্ত হইল। অনন্তর গান্ধারীজ্ঞতনয়া
সমীপবর্তী রুঘীকেশকে সম্বোধন করিয়া

কহিলেন, কেশব ! এই জ্ঞাতিবিনাশক ঘোর সংগ্রাম সমুপস্থিত হইবার সময় দুর্ঘ্যোধন কুলাঞ্জলিপুটে আমারে জয়াশীর্বাদ করিতে কহিলে আমি আপনার বিপদ উপস্থিত হইয়াছে বুঝিতে পারিয়া কহিয়াছিলাম, বৎস ! যেখানে ধর্ম, সেই স্থানেই জয়। তুমি যখন যুদ্ধে পরাজুথ হইতেছ না, তখন নিশ্চয়ই দেবতার ন্যায় স্বর্গলোক প্রাপ্ত হইবে। হে মাধব ! পূর্বে আমি এই কথা কহিবার সময় পুত্র নিহত হইবে বলিয়া কিছুমাত্র শোক প্রকাশ করি নাই ; কিন্তু এক্ষণে বন্ধুবান্ধববিহীন রাজা ধৃতরাষ্ট্রের নিমিত্ত নিতান্ত শোকাক্ত হইতেছি। ঐ দেখ, অশ্রুশস্ত্রবিশারদ যুদ্ধদুর্ন্দ্বদ দুর্ঘ্যোধন বীরশয্যায় শয়ান রহিয়াছে। হায় ! কালের কি আশ্চর্য্য গতি ! যে দুর্ঘ্যোধন ক্ষত্রিয়গণের অগ্রগণ্য ছিল, আজি তাহারে ধলিশয্যায় শয়ন করিতে হইল। যাহা হউক, ঐ বীর যখন বীর জনোচিত শয্যায় শয়ন করিয়াছে, তখন উহার সুদুর্লভ স্বর্গলোক লাভ হইয়াছে, সন্দেহ নাই। আহা ! পূর্বে রমণীগণ যাহার চতুর্দিকে উপবেশন করিয়া ক্রীড়া করিত, এক্ষণে অশিবজনক শিবাগণ তাহার চতুর্দিক্ বেষ্টিত করিয়া আনন্দ করিতেছে। পণ্ডিতগণ যাহার সমীপে সতত সমুপস্থিত থাকিতেন, এক্ষণে গৃহ সকল তাহার সমীপে উপবিষ্ট রহিয়াছে। পূর্বে অবলাগণ যাহারে উৎকৃষ্ট ব্যঞ্জন দ্বারা বীজন করিত, আজি পক্ষিগণ তাহারে পক্ষ দ্বারা বীজন করিতেছে। ঐ দেখ, মহাবল পরাক্রান্ত দুর্ঘ্যোধন ভীমসেনের গদা প্রহারে নিহত হইয়া সিংহনিপাতিত মাতঙ্গের ন্যায় রুধিরাক্ত কলেবরে ভূতলে শয়ান রহিয়াছে। যে বীর সমরাজ্যে একাদশ অক্ষৌহিণী সেনা সমানীত করিয়াছিল, যে ত্রয়োদশ বৎসর নিকটকে রাজ্যভোগ করিয়াছিল, আজি সেই মহাধনুর্ধরকে স্বীয়

দুর্নীতি নিবন্ধন ধরাশয্যা গ্রহণ করিতে হইল। হতভাগ্য দুর্ঘ্যোধন মহামতি বিদ্বৎ, অন্ধ পিতা ও বৃদ্ধদিগকে অপমান করিয়াই কালগ্রাসে নিপাতিত হইয়াছে। হে কৃষ্ণ ! পূর্বে এই পৃথিবীতে দুর্ঘ্যোধনের শাসন-বর্ত্তী, হস্তী, গো ও অশ্বে পরিপূর্ণ দেখিয়াছি ; কিন্তু এক্ষণে ইহারে অন্যের হস্ত-গত ও শূন্যপ্রায় দেখিতে হইল ; অতএব আর আমার জীবনে প্রয়োজন কি ? এক্ষণে অবলাগণকে মৃত বীর পুরুষদিগের নিকট গমন ও বিলাপ করিতে দেখিয়া আমার যাহার পর নাই কষ্ট হইতেছে। ঐ দেখ, দীর্ঘকেশা বিপুলনিতম্বা স্বর্গবেদী সদৃশ লক্ষ্মণের গর্ভধারিণী দুর্ঘ্যোধনের কোড়ে শয়ন করিয়াছে। ঐ বরবর্গিনী পূর্বে দুর্ঘ্যোধনের জীবিতাবস্থায় উহার বাহুযুগল অবলম্বন করিয়া ক্রীড়া করিত, হায় ! আজি পুত্র-সমবেত দুর্ঘ্যোধনকে নিহত নিরীক্ষণ করিয়া আমার হৃদয় কেন শতধা বিদীর্ণ হইতেছে না ! ঐ দেখ, লক্ষ্মণমাতা রুধিরাক্তকলেবর স্বীয় পুত্রের মস্তকাস্রাণ ও দুর্ঘ্যোধনের দেহ পরিমার্জন করিতেছে এবং কখন পতির ও কখন পুত্রের নিমিত্ত শোকে অধীর হইতেছে। ঐ দেখ, ঐ নিতম্বিনী কখন স্বীয় মস্তকে করাঘাত করিয়া দুর্ঘ্যোধনের বক্ষঃস্থলে নিপাতিত হইতেছে এবং পতি ও পুত্রের মুখপদ্ম পরিমার্জিত করিতেছে। হে বাহুদেব ! যদি বেদ ও শাস্ত্র সমুদায় সত্য হয়, তাহা হইলে আমার পুত্র যে স্বর্গলোকে গমন করিয়াছে, তাহার আর সন্দেহ নাই।

অষ্টাদশ অধ্যায় ।

হে মাধব ! এই যে আমার শতসংখ্যক পুত্রকে নিহত দেখিতেছ, ভীমসেন প্রায়ই গদাঘাতে উহাদিগকে নিপাতিত করিয়াছে। এক্ষণে যে আমার হতপুত্রা পুত্রবধূগণ জ্বা-সোলিত কেশে রণস্থলে ধাবমান হইতেছে,

ইহাই সর্কাপেক্ষা সমধিক ক্লেশকর। পূর্বে যাহারা অলঙ্কৃত পদে প্রাসাদোপরি বিচরণ করিত, অদ্য তাহারা বিষম বিপদগ্রস্ত ও শোকার্ত হইয়া কুধিরাদ্র ভূমিতে মন্তের ন্যায় পরিভ্রমণ করত গৃধ্র, গোসায়ু ও বায়-সগণকে উৎসারিত করিতেছে। এই সর্কা-সুন্দরী কুশোদরী দুর্ঘোষনমহিষী ঘোরতর জনক্ষয় সম্পর্শনে দুঃখার্ত হইয়া ভূতলে নিপতিত হইতেছে। ঐ রাজপুত্রীকে অবলোকন করিয়া আর আমার মন স্থির হইতেছে না। ঐ দেখ, কামিনীগণ কেহ কেহ ভ্রাতা, কেহ কেহ পতি ও কেহ কেহ তনয়গণকে সমরনিহত নিরীক্ষণ করিয়া উহাদের হস্ত ধারণ পূর্বক ভূতলে নিপতিত হইতেছে। প্রৌঢ় ও শ্রবির কামিনীগণ অতি ভীষণ রবে ক্রন্দন করিতেছে। ঐ দেখ, শ্রান্ত ও মোহাবিষ্ট অবলাগণের মধ্যে কেহ কেহ রথনীড় ও কেহ কেহ নিহত গজবাজিগণের দেহ ধারণ এবং কেহ বা স্বীয় স্বামীর কুণ্ডলমুক্ত ছিন্ন মস্তক গ্রহণ করিয়া অবস্থান করিতেছে। বোধ হয়, এই সর্কা-সুন্দরী কামিনীগণ এবং আমি পক্ষ জন্মে বহুবিধ গুরুতর দুঃখ করিয়াছিলাম; সেই নিমিত্তই ধর্মরাজ যুধিষ্ঠির হইতে এইরূপ বিপদ উপস্থিত হইল। ফলভোগ ব্যতীত পাপ পুণ্যের কখনই ক্ষয় নাই। হে জনাধীন! ঐ দেখ, নব যৌবন সম্পন্না লজ্জাশীলা অবলাগণ দুঃখশোকে নিতান্ত অতিভূত ও ভূতলে নিপতিত হইয়া সারসীগণের ন্যায় শব্দ করিতেছে। সূর্য্যের প্রচণ্ড উত্তাপে উহাদের মুখপদ্ম শুষ্ক হইয়া গিয়াছে। হায়! আজি আমার মন্ত মাতঙ্গপরাক্রম পুত্রগণের মহিষীরা সামান্য লোকদিগের দৃষ্টিপথে পতিত হইল! ঐ দেখ, আমার পুত্রগণের শত চন্দ্রযুক্ত চর্ম্ম, সূর্য্যাস্নিত ধ্বজ এবং সুবর্ণনির্ম্মিত বর্ম্ম, নিষ্ক ও শিরস্ত্রাণ সকল ভূতলে নিপতিত হইয়া ছত ছতাশনের ন্যায় শোভা পাইতেছে। ঐ দেখ, মহাবীর

দুঃশাসন সমরস্থলে শয়ান রহিয়াছে। মহাবীর ভীমসেন উহারে নিপাতিত করিয়া উহার সর্কাঙ্গের কুধির পান এবং দ্যুতক্লেশ ও দ্রৌপদীর বাক্য শ্রবণ করিয়া গদাঘাতে দুর্ঘোষনকে সংহার করিয়াছে। দুর্কৃষ্ণ দুর্ঘোষন ভ্রাতা দুঃশাসন ও সূতপুত্র কণের প্রিয় চিকীর্ষায় সভামধ্যে দ্রৌপদীকে কহিয়াছিল, পাঞ্চালি! তুমি আজি দাসভার্যা হইয়াছ, অবএব অবিলম্বে নকুল, সহদেব ও অর্জুনের সহিত আমাদিগের গৃহে প্রবেশ কর। আমি ঐ সময় দুর্ঘোষনকে আসন্নমৃত্যু অবগত হইয়া কহিয়াছিলাম, বৎস! তুমি অবিলম্বে কলহপ্রিয় দুর্কৃষ্ণ মাতুল শকুনির পরিত্যাগ করিয়া পাণ্ডবদিগের সহিত সন্ধি সংস্থাপন কর। ভীমসেন তোমার বাক্যশল্যে বিদ্ধ হইয়া যে উল্কাভিত কুঞ্জরের ন্যায় রোষাবিষ্ট হইতেছে, তাহা তুমি অনুধাবন করিতেছ না। হে মাধব! তৎকালে তুরায়া দুর্ঘোষন পাণ্ডবদিগকে কুদ্ধ জানিয়াও সপ' যেমন বুঝতের প্রতি বিষ পরিত্যাগ করে, তদ্রূপ তাহাদিগের প্রতি বাক্যবাণ প্রয়োগ করিয়াছিল। সেই অপরাধেই এক্ষণে কুরুকুল নির্ম্মল হইল। ঐ দেখ, দুঃশাসন সুদীর্ঘ ভুজযুগল প্রসারিত করিয়া ভূতলে শয়ান রহিয়াছে। সিংহ যেমন মাতঙ্গকে বিনাশ করে, তদ্রূপ মহাবীর বৃকোদর রোষাবিষ্ট হইয়া উহারে সংহার পূর্বক উহার শোণিত পান করিয়া অতি ভয়ানক কার্য্যের অনুষ্ঠান করিয়াছে।

উনবিংশতিতম অধ্যায়।

হে বাসুদেব! ঐ দেখ, বিজ্ঞ জনসম্মত প্রিয় পুত্র বিকর্ণ ভীমসেন কর্তৃক নিহত হইয়া নীল নীরদসমাক্ষন্ন শরৎকালীন নিশাকরের ন্যায় গজযুথমধ্যে শয়ান রহিয়াছে। মাংসলোলুপ গৃধ্রগণ বহু কষ্টে

উহার চাপগ্রহণকৰ্কশ তলত্রযুক্ত পাণিতল
ছেদন করিতেছে। ঐ দেখ, উহার অঙ্গ-
বয়স্কা ভাৰ্য্যা নিতান্ত দুঃখিত হইয়া পরম যত্ন
সহকারে ঐ সমস্ত আনিবগ্ন, গৃধ্ৰগণকে
নিরাকৃত করিবার চেষ্টা করিতেছে, কিন্তু
কিছুতেই কৃতকার্য হইতে পারিতেছে না।
হায়! যে তরুণবয়স্ক মহাবীর বিকর্ণ চির
কাল পরম সুখে কালহরণ করিয়াছে, আজ
তাহারে ধূলিশয্যায় শয়ন করিতে হইল!
একণে কণি, নালীক ও নারাচ দ্বারা উহার
মৰ্মভেদ হইয়াছে, তথাপি শ্রী উহারে পরি-
ত্যাগ করে নাই। ঐ দেখ, অরাতিহস্তা দুৰ্ম্মুখ
দৃঢ়প্রতিজ্ঞ ভীম কর্তৃক নিহত হইয়া ভূমি-
তলে নিপতিত রহিয়াছে। স্বাপদগণ উহার
বদনমণ্ডলের অৰ্দ্ধভাগ ভক্ষণ করিতে উহা
সপ্তমীর চন্দ্রের ন্যায় শোভা পাইতেছে।
হায়! যে বীরের মুখশ্রী অদ্যাপি দেদীপ্য-
মান রহিয়াছে, তাহারে স্বজোরাশি গ্রাস
করিতে দেখিয়া আমি কি রূপে জীবনধারণ
করিব! পূৰ্বে সংগ্রাম সময়ে যাহার সম্মুখে
কেহই অবস্থান করিতে পারে নাই, যে
বীর অমরগণকেও জয় করিতে সমর্থ ছিল,
সেই বীর কি রূপে শত্রুহস্তে প্রাণ ত্যাগ
করিল! ঐ দেখ, মহাধনুৰ্দ্ধর বিচিত্র মালা-
ধারী চিত্রসেন নিহত হইয়া ভূতলে শয়ান
রহিয়াছে। শোকাবুল যুবতীগণ ক্রব্যাদ-
গণের সহিত মিলিত হইয়া উহার সমীপে
উপবেশন পূৰ্ব্বক রোদন করিতেছে, আমি
কামিনীগণের ক্রন্দনকোলাহল ও স্বাপদ-
দিগের গৰ্জন শ্রবণে বিস্ময়াপন্ন হইয়াছি।
ঐ দেখ, তরুণবয়স্ক বিবিংশতি ধূল্যবলুণ্ঠিত
কলেবরে বীর জনোচিত ভূমিশয্যায় শয়ান
রহিয়াছে। গৃধ্ৰগণ উহারে পরিবেষ্টন করিয়া
আছে। উহার মধুর হাস্যসম্মিত সুন্দর
বদন সুধাকরের ন্যায় শোভা পাইতেছে।
অপসরারা যেমন গন্ধৰ্বের সহিত বিহার
করে, তরুণ সহস্র সহস্র সুন্দরী ঐ বীরের

সহিত ক্রীড়া করিত। বীরসেনানিপাতন,
মহাবীর দুঃসহকে পূৰ্বে কেহই পরাজয় করি-
তে পারে নাই; একণে তাহার শরীর অরাতি-
গণের শরনিকরে সমাচিত হইয়া প্রফুল্ল কণি-
কারাবৃত পৰ্ব্বতের ন্যায় শোভা পাইতেছে।
ঐ মহাবীর জীবিতবিহীন হইয়াও সমুজ্জল
কবচ ও সুবর্ণময় হার দ্বারা অধিময় ধবল
গিরির ন্যায় দীপ্যমান হইতেছে।

বিংশতিতম অধ্যায়।

হে মধুসূদন! যাহার বলবীৰ্য্য তোমার
ও অৰ্জুনের অপেক্ষা অৰ্দ্ধগুণ অধিক ছিল,
যে সিংহপরাক্রম মহাবীর সহায়হীন হই-
য়াও আমার পুত্রের একান্ত দুৰ্ভেদ্য সৈন্য-
বৃহত্তেজ করিয়াছিল, যে বীর বিপক্ষগণের
সাক্ষাৎ কৃতান্ত স্বরূপ ছিল, সেই অভি-
মন্য একণে স্বয়ং কৃতান্তের বশবর্তী
হইয়াছে। অৰ্জুনতময় নিহত হইয়াও
কিছুমাত্র প্রভাহীন হয় নাই। দেখ, অনি-
ন্দনীয়া বিরাটনন্দিনী ভৰ্ত্তা অভিমন্যুরে অব-
লোকন করিয়া নিতান্ত দুঃখিত মনে বিলাপ
করিতে করিতে নিজ কোমল করপল্লব
দ্বারা উহার কলেবর পরিমার্জিত করি-
তেছে। পূৰ্বে ঐ লোকললামভূতা ললনা
মধুপানে মত্ত হইয়া অভিমন্যুর বিকসিত
পুণ্ডরীক সদৃশ কমনীয় মুখমণ্ডল আঘাণ
পূৰ্ব্বক সলজ্জ ভাবে ইহারে আলিঙ্গন করিত,
একণে সেই নিত্যস্বামী ভৰ্ত্তার বর্ণ উন্মোচিত
করিয়া উহার শোণিতলিঙ্গ কলেবর বারং-
বার নিরীক্ষণ করত তোমারে কহিতেছে,
হে পদ্মপলাশলোচন! আমার এই স্বামীর
নেত্রদ্বয় তোমার চক্ষুর ন্যায় সুদীর্ঘ;
ইহার রূপও তোমার ন্যায় মনোহর; এই
বীর বলবীৰ্য্য এবং তেজেও তোমারই সদৃশ
ছিলেন; একণে ইনি নিহত হইয়া, সমর-
শয্যায় শয়ান রহিয়াছেন। ঐ দেখ, ঐ
বালিকা পতিকে সম্বোধন পূৰ্ব্বক কহিতেছে,

মহাবাহো ! তুমি পূর্বে অতি সুকুমার ও রাক্ষবচর্ম্মে শয়ন করিতে, এক্ষণে তোমার দেহ ভূতলে সন্নিবেশিত হইয়া কি ব্যথিত হইতেছে না। তুমি জ্যাঘাতকঠিন অঙ্গদ সমলঙ্কৃত করিশূণ্য সদৃশ প্রকাণ্ড ভুজদণ্ড প্রসারণ পূর্বক শয়ান থাকাতে বোধ হইতেছে যেন বারংবার ব্যায়াম সাধনে একান্ত পরিশ্রান্ত হইয়া নিদ্রাসুখ অনুভব করিতেছ। আমি নিতান্ত কাতর হইয়া বিলাপ করিতেছি, কিন্তু তুমি আমার সহিত সন্তাষণ করিতেছ না। পূর্বে তুমি আমারে দূর হইতে নিরীক্ষণ করিয়া সন্তাষণ করিতে, কিন্তু এক্ষণে আমি নিতান্ত দুঃখিত হইয়া রোদন করিতেছি, তথাপি তুমি কি নিমিত্ত আমার সহিত আলাপ করিতেছ না। নাথ ! আমি ত তোমার নিকটে কিছুমাত্র অপরাধ করি নাই। হে আৰ্য্যপুত্র ! তুমি আৰ্য্যা সুভদ্রা, অমরোপম পিতা ও পিতৃব্যগণ এবং একান্ত দুঃখিনী এই অনাথারে পরিত্যাগ করিয়া কোথায় গমন করিলে ! হে মধুসূদন ! ঐ দেখ, উত্তরা অভিমুখ্য মুখমণ্ডল স্বীয় উৎসঙ্গে সন্নিবেশিত ও শোণিতলিপ্ত কেশকলাপ সংযত করিয়া উহারে জীবিতের ন্যায় জিজ্ঞাসা করিতেছে, আৰ্য্যপুত্র ! তুমি বাসুদেবের ভাগিনেয় ও ধনঞ্জয়ের তনয়, মহারথগণ রণমধ্যে তোমারে কি রূপে সংহার করিল ! বাহারা তোমারে বিনাশ করিয়া আমারে চিরদুঃখিনী করিয়াছে, সেই ক্রুর-কৰ্ম্মা রূপাচার্য্য, কর্ণ, জয়দ্রথ, দ্রোণ ও অশ্বখামারে ধিক। হায় ! ঐ মহারথগণ যখন তোমারে পরিবেষ্টন পূর্বক বিনাশ করে, তৎকালে তাহাদিগের মন কি রূপ হইয়াছিল। হে বীর ! তুমি অসংখ্য বন্ধুবান্ধব সম্পন্ন হইয়াও অনাথের ন্যায় পাণ্ডব ও পাঞ্চালগণের সমক্ষে কি রূপে নিহত হইলে ! তোমার পিতা অর্জুন তোমারে বহুসংখ্য বীরগণের হস্তে নিহত

দেখিয়া কি রূপে জীবিত আছেন। হে কমললোচন ! এক্ষণে একমাত্র তোমার বিরহে পাণ্ডবগণের বিপুল রাজ্যলাভ ও শত্রুজয় কোন ক্রমেই প্রীতিকর হইতেছে না। আমি ধর্ম্ম ও ইন্দ্রিয়সংযম দ্বারা অবিলম্বে তোমার শত্রুবিজিতলোকে গমন করিব ; তোমারে তথায় আমার রক্ষণাবেক্ষণ করিতে হইবে। নিয়মিত সময় উপস্থিত না হইলে কলেবর পরিত্যাগ করা নিতান্ত সুকঠিন ; সেই নিমিত্তই এই মন্দ-ভাগিনী তোমারে নিহত দেখিয়াও জীবিত রহিয়াছে। হে জীবিতনাথ ! তুমি পরলোকে গমন করিয়া এক্ষণে আমার ন্যায় আর কাহারে হাস্যমুখে মধুর বাক্যে সন্তাষণ করিবে। আমার বোধ হইতেছে, সুরলোকে তোমার রমণীয় রূপ দর্শন ও মধুর বাক্য শ্রবণে নিশ্চয়ই অপসরাদিগের মন মোহিত হইবে। তুমি অপসরাদিগের সহিত সমাগত হইয়া বিহার করিতে করিতে সময়ে সময়ে আমার কার্য্য সকল স্মরণ করও। তুমি এই পৃথিবীতে আমার সহিত ছয় মাস বাস করিয়া সপ্তম মাসে দেহ বিসর্জন করিলে !

হে জনার্দন ! ঐ দেখ, বিরাটকুলকামিনীগণ বিরাটছহিতারে দুঃখিত মনে এই রূপ বিলাপ করিতে দেখিয়া উহারে আকর্ষণ করিতেছে। উহার বিরাটকে নিহত দেখিয়া শোকে ব্যাকুল হইয়াছে। ঐ দেখ, গুণ্ড ও শৃগালগণ দ্রোণশরসংচ্ছিন্ন রুধিরলিপ্তকলেবর সমরাক্রমে শয়ান বিরাটকে পরিবেষ্টন করিয়া কোলাহল করিতেছে। এক্ষণে বিরাটকুলরমণীগণ বিরাটের মৃত দেহ বিবর্তিত করিতে সমর্থ হইতেছে না। আতপসমুদ্র মহিলাগণের মুখমণ্ডল আশ্রিত নিবন্ধন একান্ত বিবর্ণ ভাব প্রাপ্ত হইয়াছে এবং কলেবরও নিতান্ত পরিশুদ্ধ হইয়া গিয়াছে। ঐ দেখ, অপ্রাপ্তদেহ উত্তর,

সুদর্শন, লক্ষ্মণ ও কাশ্যোজ দেশীয় সুদক্ষিণ
নিহত হইয়া রণশয্যায় শয়ান রহিয়াছে।

একবিংশতিতম অধ্যায়।

হে কৃষ্ণ ! ঐ দেখ, জলিতানল সন্নিভ
অমর্ষপরায়ণ মহাধনুর্ধর কর্ণ অসংখ্য অতি-
রথকে নিপাতিত করিয়া অর্জুনের প্রভাবে
প্রশান্ত ভাব অবলম্বন পূর্বক শোণিত-
লিগুগাত্রে ধরাতলে শয়ন করিয়াছে।
আমার মহারথ পুত্রগণ পাণ্ডবভয়ে ভীত
হইয়া ষাঁহারে যথপতির ন্যায় অগ্রসর
করিয়া অরাতিগণের সহিত সংগ্রামে প্রবৃত্ত
হইত, এক্ষণে সেই বীর মত্ত মাতঙ্গনিপা-
তিত মাতঙ্গের ন্যায়, সিংহাদিত শাদ্দ লের
ন্যায় অর্জুনশরে নিহত হইয়াছে। রমণী-
গণ একত্র সমবেত হইয়া আলোলিত কেশে
উহার সমীপে উপবেশন পূর্বক রোদন
করিতেছে। ধর্মরাজ যুধিষ্ঠির যাহার ভয়ে
নিতান্ত উদ্ভিগ্ন হইয়া ত্রয়োদশ বৎসর নিদ্রা-
গত হন নাই, এক্ষণে সেই ইন্দ্রের ন্যায়
অপরাধেয়, যুগান্তকালীন ছত্ৰাশনের ন্যায়
তেজস্বী, হিমালয়ের ন্যায় স্থির, দুর্ঘোষনের
প্রধান অবলম্বন মহাবীর কর্ণ অর্জুনহস্তে
প্রাণ পরিত্যাগ পূর্বক বায়ুভয় ক্রমের
ন্যায় ভূতলশায়ী হইয়াছে। ঐ দেখ, বৃষ-
সেনজননী কর্ণবিনিতা বসুধাতলে বিলুপ্তিত
হইয়া বিলাপ করত কহিতেছে, হা নাথ ! এত
দিনে আচার্য্যের অভিশাপ সত্য হইল।
পৃথিবী তোমার রথচক্র গ্রাস করিলে। নন্দয়
ধনঞ্জয় সেই অবস্থায় তোমার মস্তক ছেদন
করিল। ক্রব্যাদগণ তোমার দেহ ভক্ষণ
করিয়া অম্পাবশেষ করাতে উহা কৃষ্ণপক্ষীয়
চতুর্দশীর চন্দ্রমার ন্যায় নিতান্ত অপ্রিয়-
দর্শন হইয়াছে। কর্ণবিনিতা এই বলিয়া এক
বার ধরাশায়ী হইতেছেন এবং পুনরায় সমু-
খিত ও পাতপুত্রশোকে অধীর হইয়া
কর্ণের বদন, আত্মাণ করিতেছেন।

দ্বাবিংশতিতম অধ্যায়।

হে বাসুদেব ! ঐ দেখ, গৃধ্র ও জম্বুকগণ
ভীমসেনের হস্তে নিহত মহাবীর অবন্তি-
নাথকে অনাথের ন্যায় ভক্ষণ করিতেছে।
ঐ বীর অসংখ্য শত্রুকে নিপাতিত করিয়া
শোণিতাক্ত কলেবরে বীরশয্যায় শয়ন
করিয়াছেন। শৃগাল, কক্ক ও ক্রব্যাদগণ
উহারে ইতস্তত আকর্ষণ করিতে আরম্ভ
করিয়াছে। রমণীগণ মিলিত হইয়া ঐ সমর-
শয়ান মহাবীরের সমীপে উপবেশন পূর্বক
রোদন করিতেছে। ঐ দেখ, প্রতীপপুত্র
মহাধনুর্ধর বাহুলীক ভল্ল দ্বারা নিহত হইয়া
প্রস্থগু শাদ্দলের ন্যায় নিপতিত রহিয়া-
ছেন। এখনও তাঁহার মুখমণ্ডল পূর্ণ চন্দ্রের
ন্যায় শোভা পাইতেছে। ঐ দেখ, সিন্ধু-
সৌবীরভর্তা মহাবীর জয়দ্রথ ধরাতলে
শয়ান রহিয়াছেন। পুত্রশোকসমুগু দৃঢ়-
প্রতিজ্ঞ অর্জুন স্বীয় প্রতিজ্ঞা প্রতিপাল-
নার্থ একাদশ অক্ষৌহিণী সেনা ভেদ করিয়া
উহারে নিপাতিত করিয়াছে। অশুভসূচক
শিবা ও গৃধ্রগণ চীৎকার করিতে করিতে
উহারে আকর্ষণ ও ভক্ষণ করিতেছে।
সিন্ধুরাজের পত্নীগণ উহার সমীপে উপ-
বিষ্ট হইয়াও উহাদিগকে নিবারণ করিতে
সমর্থ হইতেছে না। কাশ্যোজ ও যবনকামি-
নীগণ জয়দ্রথের নিকটে উপবেশন পূর্বক
রোদন করিতেছে। হে জনাৰ্দ্দন ! জয়দ্রথ
যৎকালে কেকয়দিগের সহিত মিলিত হইয়া
দ্রৌপদীকে গ্রহণ পূর্বক ধাবমান হইয়াছি-
লেন, পাণ্ডবগণ সেই সময়েই উহারে বিনষ্ট
করিত। তৎকালে উহারা কেবল দুঃশলার
বৈধব্য নিবারণার্থ সিন্ধুরাজকে পরিত্যাগ
করে, এক্ষণে সেই দুঃশলার অনুরোধেই
উহারে কি নিমিত্ত জীবিত রাখিল না ? ঐ
দেখ, সেই দুঃশলা দুঃখশোকে নিতান্ত ব্যাকুল
হইয়া পাণ্ডবগণের প্রতি আক্রোশ প্রকাশ

ও আপনারে বিপদগ্রস্ত জ্ঞান করিতেছে। হায়! আজি আমার বালিকা কন্যা ও পুত্রবধূগণ বিধবা হইল! ইহার পর অধিক দুঃখ আর কি আছে! হা কি কষ্ট! ঐ দেখ, দুঃশলা পতির মস্তক না দেখিয়া শোকভয় পরিত্যাগ পূর্বক ইতস্তত ধাবমান হইতেছে। মহাবীর সিন্ধুরাজ পুত্রবৎসল পাণ্ডবগণকে নিবারণ ও তাহাদের অসংখ্য সৈন্যকে সংহার পূর্বক স্বয়ং কালকবলে নিপতিত হইয়াছেন। পূর্ণচন্দ্রবদনা কামিনীগণ ঐ মত্ত মাতঙ্গ সদৃশ বীরকে পরিবেষ্টন পূর্বক রোদন করিতেছে।

ত্রয়োবিংশতিতম অধ্যায়।

হে কৃষ্ণ! ঐ দেখ, মদ্রাধিপতি মহারথ শল্য ধর্ম্মরাজ যুধিষ্ঠিরের হস্তে নিহত হইয়া ভূতলে নিপতিত রহিয়াছেন। উনি নকুলের সাক্ষাৎ মাতুল। ঐ মহাবীর সর্বস্থানে সর্বদা তোমার সহিত স্পর্শ করিতেন। উনি কর্ণের রথরশ্মি গ্রহণ করিয়া পাণ্ডবগণের জয়লাভের নিমিত্ত তাহার তেজোহুঁস করিয়াছিলেন। আহা! ঐ দেখ, কাক সকল পদ্মপলাশলোচন মদ্রাধিপতির পূর্ণ চন্দ্র সন্নিভ বদনমণ্ডল দংশন ও সুবর্ণবর্ণ দ্বিহ্না ভক্ষণ করিতেছে। সূক্ষ্মবস্ত্রধারিণী কুলকামিনীগণ পঙ্কনিমগ্ন গজরাজের চতুর্দিকে উপবিষ্ট করিণীকুলের ন্যায় শরবিক্ষেপিত ভূতলশায়ী মদ্রবাজকে পরিবেষ্টন করিয়া রোদন করিতেছে। ঐ দেখ, পর্বতবাসী প্রবল প্রতাপশালী ভগদত্ত অক্লুশ ধারণ করিয়া ভূতলে নিপতিত রহিয়াছেন। স্থাপদগণ উহারে ভক্ষণ করিতেছে। উহার কেশকলাপ শিরঃস্থিত সুবর্ণমালার প্রভা প্রভাবে কেমন সুশোভিত হইয়াছে। বলি-রাজের সহিত দেবরাজ ইন্দ্রের যে রূপ ঘোরতর যুদ্ধ হইয়াছিল, অর্জুনের সহিত উহারও তদ্রূপ ঘোরতর সংগ্রাম হইয়া গি-

য়াছে। ঐ মহাবীর সংগ্রামে ধনঞ্জয়ের প্রাণ সংশয় করিয়া পরিশেষে স্বয়ং নিহত হইয়াছেন। ঐ দেখ, মহাবীর ভীষ্ম গগনতল-পরিভ্রম্য যুগান্তকালীন দিনকরের ন্যায় ভূতলে নিপতিত রহিয়াছেন। উহার সদৃশ বলবিক্রমশালী আর কেহই ছিল না। ঐ মহাবল পরাক্রান্ত মহাবীর সংগ্রাম কালে স্বীয় অস্ত্রপ্রতাপে অরাতিগণকে পরিতাপিত করিয়া পরিশেষে অস্ত্রগত সূর্যের ন্যায় নিপতিত হইয়াছেন। উনি ধর্ম্মানুষ্ঠানে দেবাপি সদৃশ ছিলেন। ঐ বীররসপরায়ণ মহাত্মা কর্ণ, নালীক ও নারাচ প্রভৃতি শরনিচয়নির্ম্মিত শয্যায় শয়ন করিয়া শর-বণশায়ী ভগবান্ কার্তিকেয়ের ন্যায় শোভা পাইতেছেন। মহাবীর অর্জুন তিন শর দ্বারা উহার অতি উৎকৃষ্ট উপধান প্রস্তুত করিয়া গিয়াছেন। মহাত্মা ভীষ্ম পিতার আত্মা প্রতিপালনার্থ উর্দ্ধরেতা হইয়াছিলেন। উনি অদ্বিতীয় পুরুষ ও পরম ধার্ম্মিক; ঐ বীর মর্ত্য হইয়াও তত্ত্বজ্ঞান প্রভাবে অমরের ন্যায় প্রাণ ধারণ করিয়া রহিয়াছেন। যখন মহাবীর শাস্ত্রনুতনয় ধরাশায়ী হইয়াছেন, তখন বোধ হইতেছে যে, পৃথিবীমধ্যে আর কোন যুদ্ধবিশারদ ও বলবিক্রমশালী ব্যক্তি জীবিত নাই। পাণ্ডবগণ জিজ্ঞাসা করিতে উনি স্বয়ং আপনার মৃত্যুর উপায় নির্দেশ করিয়া দিয়াছিলেন। যে সত্যবাদী মহাত্মা ক্ষয়োন্মুখ কুরুবংশের প্রত্যাশ্বাস করিয়াছিলেন, সেই মহামতি এক্ষণে কোরবগণের সহিত পরাভূত হইলেন। হে মাধব! দেবভুল্য দেবত্রত দেবলোকে প্রস্থান করিলে কোরবকুল আর কাহারে ধর্ম্ম জিজ্ঞাসা করিবে?

ঐ দেখ, মহাবীর অর্জুন, সাত্যকি ও কোরবগণের উপদেষ্টা দ্বিজসন্তম দ্রোণাচার্য্য ধরাতলে নিপতিত রহিয়াছেন। যিনি দেবরাজ ইন্দ্র ও মহাবীর জামদগ্ন্যের ন্যায়

উহারা

ইতস্তা
করিতে তর্কিধ শাস্ত্রবিদ্যায় পারদর্শী ছিলেন,
দেখ, হার প্রসাদে মহাবীর অর্জুন এই দুষ্কর
পতিরে প্রাণধন করিয়াছে, যাঁহারে অগ্রসর
তেছে এবং কৌরবগণ পাণ্ডুদিগের সহিত
শরজাল উত্তরিত এবং যিনি সমরমধ্যে ছতা-
বার মুচ্ছিন্যায় বিচরণ করিয়া সৈন্যগণকে
পরিশ্রমে উৎকর্ষিত করিতেন, আজি সেই মহাবীর
গিয়াছে। এইয়া প্রশান্তশিখ পাবকের ন্যায়
ধারী অঙ্গদমলীন রহিয়াছেন। উহার বাম-
গণ নিহত হস্তাবাপ বিশীর্ণ হয় নাই। উনি
য়াছে। উহারাও জীবিতের ন্যায় দৃষ্ট হইতে-
দ্রোণের বাণচারি বেদ ও সমুদায় অস্ত্র শস্ত্র
নিহত হইয়া ন্যায় ঐ বীরকে পরিত্যাগ করে
কেকয় দেশীয়! আচার্য্যের যে বন্দনীয় চরণ-
ও সমরশয্যাগণ কর্তৃক বন্দিত ও শিষ্যগণ
কের ন্যায় রিসেবিত হইত, আজি গোমায়ু-
তলু কাঞ্চনাদ্বয় আকর্ষণ করিতেছে। ঐ
ও মালোর চারিণী আচার্য্যপত্নী রূপী আতি
হইয়াছে। আলোলিত কেশে অধোবদনে
অরণ্যমধ্যে হত অস্ত্রবিদগ্ৰগণ স্বীয় পতির
ন্যায় দ্রোণবস্থান পূর্বক বিলাপ ও উহার
শয়ান রহিয়ায় নিমন্ত মৃত্ত করিতেছেন।
আতপত্র শজটাধারী ব্রহ্মচারিগণ রথনীড়,
শোভা পাইলি ও অন্যান্য বিবিধ অস্ত্র দ্বারা
বধু ও ভার্গ্যার চিতা প্রস্তুত করিয়াছেন।
দক্ষ করিয়া গণ অগ্নি আহরণ পূর্বক যথা-
তেছে। চিতা প্রজ্জ্বলিত ও তত্পরি আচা-
ঐ দেখ নিহিত করিয়া ত্রিবিধ সাম গান
ধৃষ্টকেতু অ। অনেকে শোকে অভিভূত
দ্রোণশরে ঐ দেখ, আচার্য্যের শিষ্যগণ
রহিয়াছেন গান করত দ্রোণাচার্য্যের অন্ত্যেষ্টিক্রিয়া
ভিন্ন করিয়া পূর্বক তাঁহার পত্নীরে অগ্র-
উপস্থিত চিতার দক্ষিণ পাশ্বে দিয়া ভাগী-
পূর্বক অন্ত্যেষ্টিক্রিয়া গমন করিতেছে।

করিতেছে ত্রিংশতিতম অধ্যায়।

ভূরিশ্রবা যুযুধান কর্তৃক নিহত হইয়া রণ-
স্থলে শয়ান রহিয়াছেন। বিহগগণ উহারে
ছিন্ন ভিন্ন করিতেছে। ঐ দেখ, সমরনিহত
সোমদত্ত যেন পুত্রশোকে নিতান্ত কাতর
হইয়া যুযুধানকে ভৎসনা করিতেছেন। ভূরি-
শ্রবার জননী নিতান্ত দুঃখি হইয়া ভর্তা
সোমদত্তকে সম্বোধন পূর্বক কহিতেছে, মহা-
রাজ! আজি ভাগ্যক্রমে তুমি এই ভয়ঙ্কর
কুরুকুলক্ষয় অবলোকন করিতেছ না।
আজি ভাগ্যক্রমে তোমারে যজ্ঞশীল অতি
বদান্য মহাবীর পুত্র যপধ্বজকে নিহত নিরী-
ক্ষণ করিতে হইল না। আজি ভাগ্যক্রমে
সাগরমধ্যস্থ সারসীকুলের ন্যায় পুত্রবধু-
গণের বিলাপ তোমার শ্রুতিগোচর হই-
তেছে না। হায়! তোমার পুত্রব-
পতিপুত্র বিহীন হইয়া একমাত্র বসন
পূর্বক আলোলিত কেশে ইতস্তত ধামি
হইতেছে। মহাবীর ভূরিশ্রবা ও শল্য
হইয়া সমরাস্রমে নিপতিত রহিয়া
শ্রাপদগণ উহাদিগকে ভক্ষণ করিতে
তোমার পুত্রবধুগণ সকলেই বিধ-
য়াছে। আজি ভাগ্যক্রমে তোমারে
দেব বৈধব্য অবলোকন করিতে হই-
হায়! বৎস যুপকেতুর কাঞ্চন বাক্য
রথোপরি নিপতিত রহিয়াছে। আমার
সদন! ঐ দেখ, ভূরিশ্রবার প্রিয় স্ত্রী
উহারে পরিবেষ্টন পূর্বক বি-
পরিতাপ করিতেছে। উহারা ভয়া এই
একান্ত কাতর হইয়া দীনভাবে
রই অভিমুখে ধাবমান হইয়াছেন এবং
অনবহিত ভূরিশ্রবার বাহু ছেদ
অতিশয় ঘণিত কার্য্যের অনুষ্ঠান
বিশেষত সোমদত্ততনয় প্রায়োপ-
সাত্যকি তাহার প্রাণ সংহার করি-
অপেক্ষাও গুরুতর পাপে লিপ্ত
সন্দেহ নাই। ঐ দেখ, ভূরিশ্রবা
জনে এক ব্যক্তির প্রা-

করিয়াছে বলিয়া বিলাপ করিতেছে। ভূরি-
শ্রবার প্রিয়ম হিষী উহার হস্ত উৎসঙ্গে
লইয়া রোদন করিয়া দীনবচনে কহিতেছে,
হা! যাহা আমাদিগের রসনা আকর্ষণ,
কঠিন স্তনযুগল বিমর্দন, নীবি বিশ্রংসন
এবং নাভি, ঠকু ও জঘনদেশ স্পর্শ করিত,
যাহা শত্রুগণের বধ সাধন, মিত্রগণকে অভয়
প্রদান ও বিপ্রগণকে অসংখ্য গো দান
করিত, এই সেই হস্ত নিপতিত রহিয়াছে।
আর্য্যপুত্র! তুমি যখন অন্যের সহিত যুদ্ধে
প্রবৃত্ত ও অনবহিত ছিলে, পার্থ সেই সময়
বাসুদেবের সমক্ষে তোমার এই হস্ত ছেদন
করিয়াছেন! মধুসূদন সভামধ্যে কি রূপে
অর্জুনের এই কার্য্যের প্রশংসা করিবেন

শলা ধর্ম্মরাজ স্বয়ং অর্জুনই বা কি রূপে আ-
ভূতলে নিপতিত হইবেন! হে কৃষ্ণ! ভূরিশ্রবার
সাক্ষাৎ মাহিষী তোমারে এই রূপে উৎসনা
সর্বদা তোমা তুষণীস্তাব অবলম্বন করিয়াছে এবং
উনি কর্ণের র মপত্নীরা আপনাদিগের পুত্রবধুর
গণের জয়লাভে হার নিমিত্ত শোক প্রকাশ করি-
য়া করিয়াছি।
সকল পদ্মপলা দেখ, মহাবল পরাক্রান্ত গাক্কার-
চন্দ্র সন্নিভ বদ কুনি ভাগিনেয় সহদেব কর্তৃক
জিহ্বা ভক্ষণ ক ইয়াছে। পূর্বে পরিচারকেরা যা-
কুলকামিনীগণ মদগুমপ্তিত ব্যর্জন দ্বারা বীজন
দ্বিকে উপবিষ্ট ক মদ্য বিহঙ্গেরা সেই বীরকে পক্ষ-
তাক্র ভূতলশারী বীজন করিতেছে। যে ব্যক্তি
করিয়া রোদন ক অসংখ্য রূপ ধারণ করিত, সহ-
বাসী প্রবল প্রতা তজঃস্বরূপ ছতাশন তাহার সেই
রণ করিয়া ভূতলে গাং করিয়াছে। যে শঠতাচরণ
স্থাপদগণ উহারে বিস্তার পূর্বক সভামধ্যে ধর্ম্ম-
কেশকলাপ শিরঃ ঠরকে পরাজয় করিয়া তাহার
প্রভাবে কেমন সুে করিয়াছিল, এক্ষণে মহাবীর সহ-
রাজের সহিত দে এই জীবন হরণ করিয়াছে। এ
ঘোরতর যুদ্ধ হইয়া মার পুত্রগণের বিনাশ সাধনের
উহারও তদ্রূপ ঘোর ঠিতা শিক্ষা করিয়াছিল। এ
র পুত্রগণের ও স্বপক্ষীয় নীরাজ ইন্দ্র ও মহাবীর জামদগ্ন্যের ন্যায়

সমুদায়ের প্রাণনাশের নিমিত্ত পাণ্ডবগণে
সহিত এই বৈরানল প্রজ্বলিত করিয়াছি
এক্ষণে ঐ ছুরায়া আমার পুত্রগণে-
নিহত হইয়া দিব্য লোক লাভ করিয়
হে মধুসূদন! আমার পুত্রেরা অশি
স্বভাব এবং ঐ মূর্থ নিতান্ত কুটিল, ঐ
বোধ হইতেছে, ঐ ধূর্ত লোকান্তরে লে
হইয়াও আমার পুত্রগণমধ্যে পরচা-
রোধ উৎপাদন করিয়া দিবে।

পঞ্চবিংশতিতম অধ্যায়।

হে কৃষ্ণ! ঐ দেখ, রুষভক্ষুতি
কাষোজরাজ নিহত হইয়া ধর্ম্ম-
শয়ান রহিয়াছেন। উনি পূর্বে তা
দেশীয় মহাহ আস্তরণমণ্ডিত শয্যা
করিতেন। ঐ দেখ, উহার বনিতয়া
মের চন্দনচচ্চিত বাছদয় শোভা
দেখিয়া শোকাকুলিত চিত্তে বিলাপ
কহিতেছে, হা নাথ! তোমার এ
অঙ্গুলিসমন্বিত বাছদয় পরিঘ ভ্রুর
পূর্বে যখন আমি তোমার এই হা
মধ্যে অবস্থান করিতাম, তন
আমারে এক মুহূর্ত্তও পরিত্যাগ্য
না। এক্ষণে তোমার অভাবে জী
গতি হইবে! কাষোজরাজমণি
বলিয়া অনাথার ন্যায় মধুর স্বপ্ন
করত বিকম্পিত হইতেছে। ঐ দেখি,
রাজের উভয় পাশ্বে সমবাসিত ক
দিব্য মাল্যের ন্যায় আতপতাপি-
শ্রীভ্রষ্ট হইতেছে না। ঐ দেখ, মহে
রমণীগণ প্রদীপ্তাঙ্গদধারী মগধর-
সেনের চতুর্দিক্ পরিবেষ্টন করি
দন করিতেছে। ঐ বিশালকেন
সম্পন্ন রমণীগণের শ্রুতিসুখকর ও
নাদে আমার অন্তঃকরণ বিশে-
স্তনোমপাত কামিনীগণ পর্য্যনি
র পুত্রগণের ও স্বপক্ষীয় নীরাজ ইন্দ্র ও মহাবীর জামদগ্ন্যের ন্যায়

উহারা শোকাকুলিত চিত্তে আভরণ সকল ইতস্তত নিষ্ক্ষেপ করিয়া রোদন করিতে করিতে ধরাতলে নিপতিত হইতেছে। ঐ দেখ, কোশলরাজপুত্র রুহদ্রের নারীগণ পতিরে পরিবেষ্টন পূর্বক রোদন করিতেছে এবং ব্যাকুল মনে উহাঁর হৃদয়গত শরঙ্গাল উদ্ধৃত করিতে করিতে বারংবার মুচ্ছিত হইতেছে। আতপতাপ ও পরিশ্রমে উহাদিগের মুখমণ্ডল মান হইয়া গিয়াছে। ঐ দেখ, ধৃষ্টদ্যুম্নের সুবর্ণ মালাধারী অঙ্গদসমলঙ্কৃত অঙ্গবয়স্ক আত্মজগণ নিহত হইয়া সমরাজ্ঞে শয়ান রহিয়াছে। উহারা পাবক তুল্য প্রতাপশালী দ্রোণের বাণপথে পতিত হইয়া শলভের ন্যায় নিহত হইয়াছে। ঐ দেখ, রুচিরাজদধারী কেকয় দেশীয় পাঁচ ভ্রাতা দ্রোণশরে নিহত ও সমরশয্যায় শয়ান হইয়া প্রজ্বলিত পাবকের ন্যায় শোভা পাইতেছেন। উহাঁদের তত্ত্ব কাঞ্চননির্মিত বর্ম্ম, বিচিত্র ধ্বজ, রথ ও মাল্যের প্রভাবে সমরাজ্ঞে দেদীপমান হইয়াছে। ঐ দেখ, পাঞ্চালরাজ দ্রুপদ অরণ্যমধ্যে সিংহনিপাতিত মত্ত মাতঙ্গের ন্যায় দ্রোণশরে নিহত হইয়া ধরাতলে শয়ান রহিয়াছেন। উহাঁর সুনির্মল পাণ্ডবর্ণ আতপত্র শরৎকালীন নিশাকরের ন্যায় শোভা পাইতেছে। ঐ পাঞ্চালরাজের পুত্রবধূ ও ভাৰ্য্যারা দুঃখিত মনে উহাঁর মৃত্যু দেখ দৃষ্ট করিয়া দক্ষিণ দিক্ দিরা গমন করিতেছে।

ঐ দেখ, চেদিদেশাধিপতি মহাবীর ধৃষ্টকেশু অসংখ্য শত্রু সংহার পূর্বক স্বয়ং দ্রোণশরে নিহত হইয়া সমরাজ্ঞে শয়ান রহিয়াছেন। বিহঙ্গেরা উহাঁর কলেবর ছিন্ন ভিন্ন করিয়াছে। উহাঁর ভাৰ্য্যারা রণস্থলে উপস্থিত হইয়া উহাঁর অঙ্গে আরোপণ পূর্বক অনুব্রত রোদন করিয়া স্থানান্তরিত করিতেছে। ঐ দেখ, উহাঁর চাকরকুণ্ডল-

মণ্ডিত মহাবল পরাক্রান্ত আত্মজগণে শরে ছিন্ন ভিন্ন হইয়া রণস্থলে নিপতিত রহিয়াছে। ঐ বীর অদ্যাপি স্বীয় পিতারে পরিত্যাগ করে নাই। আমার পৌত্র লক্ষ্মণও ধৃষ্টকেশুর পুত্রের ন্যায় স্বীয় পিতার অনুগমন করিয়াছে। ঐ দেখ, কাঞ্চনাজদ সমলঙ্কৃত কাঞ্চন বর্ম্মধারী বিমল মালাসুশোভিত রুঘভলোচন অবস্থি দেশীয় বিন্দ ও অনুবিন্দ বসন্তকালে বায়ুবেগবিপাটিত কুসুমপরিশোভিত শালরুদ্ধয়ের ন্যায় ভূতলে শয়ান রহিয়াছে। হে কৃষ্ণ! পাণ্ডবেরা যখন মহাবীর ভীষ্ম, দ্রোণ, কর্ণ, কূপ, দুৰ্য্যোধন, অশ্বখামা, জয়দ্রথ, সোমদত্ত, বিকর্ণ ও কৃতবর্ম্মার হস্ত হইতে বিমুক্ত হইয়াছে, তখন উহারা ও তুমি অবধ্য। ভীষ্ম, দ্রোণ প্রভৃতি মহাবীরগণ শত্রুবলে দেবগণকেও বিনাশ করিতে সমর্থ ছিলেন। কিন্তু কালের কি কুটিল গতি! আজি তাঁহারা নিহত হইয়া সমরাজ্ঞে শয়ান রহিয়াছেন। দৈবের অসাধ্য কিছুই নাই। হে বাসুদেব! তুমি যখন শাস্তিস্থাপনে অকৃতকার্য হইয়া বিরাট নগরে প্রত্যাগমন করিয়াছিলে, তখনই আমি স্থির করিয়াছিলাম যে, আমার পুত্রগণ নিহত হইয়াছে। তৎকালে মহাত্মা ভীষ্ম ও বিদুর আমারে কহিয়াছিলেন, তুমি আপনার পুত্রগণের প্রতি আর স্নেহ প্রদর্শন করিও না। সেই মহাত্মাদিগের বাক্য কদাপি মিথ্যা হইবার নহে। ঐ দেখ, আমার পুত্রেরা পাণ্ডবগণের রোষানলে ভস্মসাৎ হইয়া গিয়াছে।

হে মহারাজ! গান্ধাররাজতনয়া এই বলিয়া দুঃখশোকে একান্ত অধীর ও হতজ্ঞান হইয়া ভূতলে নিপতিত হইলেন এবং কিরৎক্ষণ পরে ক্রোধভরে বাসুদেবের প্রতি দোষারোপ করিয়া কহিলেন, অনাৰ্দ্দন! যখন কৌরব ও পাণ্ডবগণ পরস্পরের ক্রোধানলে পরস্পর দগ্ধ হয়, তৎকালে

তুমি তোমার নানান গুণ তাৎক্ষণিক উপেক্ষা প্রদর্শন করিলে? তোমার বহুসংখ্যক ভৃত্য ও সৈন্য বিদ্যমান আছে; তুমি শাস্ত্রজ্ঞানসম্পন্ন, বাক্যবিশারদ ও অসাধারণ বলবীৰ্য্যশালী, তথাপি তুমি ইচ্ছা পূৰ্ব্বক কোরবগণের বিনাশে উপেক্ষা প্রদর্শন করিয়াছ। অতএব তোমারে অবশ্যই ইহার ফল ভোগ করিতে হইবে। আমি পতিশুক্র দ্বারা যে কিছু তপঃসঞ্চয় করিয়াছি, সেই নিতান্ত দুর্লভ তপঃপ্রভাবে তোমারে অভিশাপ প্রদান করিতেছি যে, তুমি যেমন কোরব ও পাণ্ডবগণের জ্ঞাতিবিনাশে উপেক্ষা প্রদর্শন করিয়াছ, তেমনি তোমার আপনার জ্ঞাতিবর্গও তোমা কর্তৃক বিনষ্ট হইবে। অতঃপর ষট্‌ত্রিংশৎ বর্ষ সমুপস্থিত হইলে তুমি অমাত্য, জ্ঞাতি ও পুত্রহীন এবং বনচারী হইয়া অতি কুৎসিত উপায় দ্বারা নিহত হইবে। তোমার কুলরমণীগণও ভরতবংশীয় মহিলাগণের ন্যায় পুত্রহীন ও বন্ধুবান্ধব বিহীন হইয়া বিলাপ ও পরিতাপ করিবে।

তখন মহামতি বাসুদেব গান্ধারীর মুখে এই কথা শ্রবণ করিয়া হাস্যমুখে তাঁহারে কহিলেন, দেবি! আমা ব্যতিরেকে যত্নবংশীয়দিগকে বিনাশ করে, এমন আর কেহই নাই। আমি যে যত্নবংশ ধ্বংস করিব, তাহা বহু দিন অবধারণ করিয়া রাখিয়াছি। আমার যাহা অবশ্য কর্তব্য, এক্ষণে আপনি তাহাই কহিলেন। যাদবেরা মনুষ্য বা দেব দানবগণের বধ্য নহে; সুতরাং তাঁহারা পরস্পর বিনষ্ট হইবেন। বাসুদেব এই কথা কহিবামাত্র পাণ্ডবেরা ভীত ও উদ্ভিগ্ন হইয়া প্রাণ ধারণবিষয়ে এককালে হতাশ হইলেন।

ত্রিবিলাপ পৰ্ব্ব সমাপ্ত।

শ্রীমদ্‌পর্বাধ্যায়।

ষড়্‌বিংশতিতম অধ্যায়।

অনন্তর বাসুদেব গান্ধারীরে ধরাতলে নিপতিত দেখিয়া কহিলেন, রাজি! অবিলম্বে গাত্রোত্থান করুন, এক্ষণে আর শোক করা কর্তব্য নহে। আপনার অপরাধেই অসংখ্য বীর নিহত হইয়াছে। আপনার পুত্র দুর্য়োধন অতি দুরাশা, পরজীকাতর, আত্মাভিমानी, নিষ্ঠুর ও গুরুজনের নিতান্ত অবাধ্য ছিল। আপনি তাহার দুষ্কৃত কার্য্যে সাধুবাদ প্রদান করিতেন, এক্ষণে কি নিমিত্ত আত্মদোষ কালনার্থ আমার উপর দোষারোপ করিতেছেন? যাহা হউক, অতঃপর দুঃখ পরিত্যাগ করা অবশ্য কর্তব্য। গতানুশোচন দ্বারা দুঃখ দ্বিগুণ হইয়া উঠে। বিশেষতঃ ব্রাহ্মণী, পুত্র হইলে তপোভূষ্ঠান করিবে; বৈশ্যা, পুত্র হইলে পশু পালন করিবে; শূদ্রা, পুত্র হইলে দাসত্ব স্বীকার করিবে; তুরঙ্গী, শাবক হইলে দ্রুততর ধাবমান হইবে; গাভী, বৎস হইলে ভার বহন করিবে এবং তোমার মত ক্ষত্রিয়ারা পুত্র হইলে সমরমৃত্যু লাভ করিবে বলিয়াই গভধারণ করিয়া থাকেন।

মহাত্মা বাসুদেব এই কথা কহিলে গান্ধারী উহা নিতান্ত অপ্রিয় বোধে শোকাকুলিত চিত্তে তুষণীভাব অবলম্বন করিয়া রহিলেন। তখন রাজা ধৃতরাষ্ট্র স্বীয় বুদ্ধিবিপাকজ শোক সম্বরণ পূৰ্ব্বক যুধিষ্ঠিরকে জিজ্ঞাসা করিলেন, হেপাণ্ডবশ্রেষ্ঠ! এই যুদ্ধে যে সমুদায় সৈন্য সমাগত হইয়াছিল, তাহাদের মধ্যে কতগুলি নিহত হইয়াছে, আর কতগুলিই বা জীবিত আছে; যদি তুমি উহা অবগত থাক, তাহা হইলে কীৰ্ত্তন কর।

যুধিষ্ঠির কহিলেন, কোরবনাথ! এই

যুদ্ধে শতাধিক ঘটাবলি কোটি বিংশতি সহস্র
সৈন্য নিহত হইয়াছে এবং চতুর্বিংশতি
সহস্র একশত পঞ্চাষষ্টি যোদ্ধা জীবিতাবস্থায়
পলায়ন করিয়াছে । তখন ধৃতরাষ্ট্র কহি-
লেন, হে পুরুষসত্তম ! তুমি সর্বজ্ঞ ; অতএব
নিহত ব্যক্তির কোন কোন স্থানে গমন
করিয়াছে, তাহা কীর্তন কর । যুধিষ্ঠির কহি-
লেন, হে ধর্মরাজ ! এই যুদ্ধে যাহারা রুষ্টচিত্তে
পরিভ্রমণ করিয়াছে, তাহারা ইন্দ্র-
কে, যাহারা মৃত্যু অবধারণ করিয়া অস-
হ্য চিত্তে নিহত হইয়াছে, তাহারা গন্ধর্ব-
লোকে, যাহারা শরণার্থী হইয়া সমরে
পরাভূত হইবার সময় অস্ত্রাঘাতে নিহত
হইয়াছে, তাহারা গুহ্যকলোকে, যাহারা সমর
পরাভূত হওয়া নিতান্ত লজ্জাকর বোধ করি-
য়া অস্ত্রশস্ত্রবিহীন হইয়াও শত্রুর অভিমুখে
সমন পূর্বক অস্ত্রাঘাতে দেহ ত্যাগ করিয়া-
ছেন, তাহারা ব্রহ্মসদনে এবং যাহারা
সমরাস্ত্রের বহির্ভাগে নিহত হইয়াছে,
তাহারা কথঞ্চিৎ উত্তর কুরুতে গমন ক-
রিয়াছে ।

ধৃতরাষ্ট্র কহিলেন, বৎস ! তুমি কোন
গান প্রভাবে সিদ্ধ পুরুষের ন্যায় এই সমস্ত
ষয় অবলোকন করিতেছ ? যদি বলিবার
গান বাধা না থাকে, তবে কীর্তন কর ।

যুধিষ্ঠির কহিলেন, কোরবনাথ ! পূর্বের
আপনার আদেশানুসারে বনবাসী
রা তীর্থযাত্রা প্রসঙ্গে বনমধ্যে ভ্রমণ
করিতে করিতে দেবর্ষি লোমশের সহিত
সাক্ষাৎ করিয়াছিলাম । তাঁহার অনুগ্রহেই
আনয়োগে দিব্য চক্ষু লাভ করিয়াছি ।

ধৃতরাষ্ট্র কহিলেন, হে যুধিষ্ঠির ! এই
রৈষ্যে সমুদায় ব্যক্তি নিহত হইয়াছে,
তাহার মধ্যে যাহারা অনাথ বা বন্ধুবান্ধব
পরিচিত ও যাহাদের অগ্নিহোত্র সঞ্চিত নাই,
তাহাদিকে ত বিধি পূর্বক দক্ষ করিতে হ-
বে ? এক্ষণে আমরাই বা কি রূপ কার্যের

অনুষ্ঠান করিব ? আর গৃহপ্রভৃতি পক্ষি-
গণ যাহাদিগকে আকর্ষণ করিতেছে, তাহা-
দিগের উদ্ধেদেহিক কার্য্য হইলে তাহারা ত
সদ্যই লাভ করিতে পারিবে ?

হে জনমেজয় ! মহারাজ ধৃতরাষ্ট্র ধর্ম-
রাজকে এই কথা কহিলে তিনি সুশর্ম্মা,
ধৌম্ম, সঞ্জয়, মহাত্মা বিদুর, যুয়ুৎসু এবং
ইন্দ্রসেনপ্রমুখ ভৃত্য ও সারথীগণকে কহি-
লেন, তোমরা অচিরাৎ বীরগণের প্রেত-
কার্য্য সম্পাদন কর । ইহাদিগের শরীর
যেন অনাথের ন্যায় ধ্বংস না হয় । ধর্মরাজ
এই রূপ আদেশ করিলে সুশর্ম্মা প্রভৃতি
ব্যক্তিগণ অবিলম্বে অশুর, চন্দন, কালীয়ক,
ঘৃত, তৈল, গন্ধ, ক্ষৌম বস্ত্র, মহামূল্য কাষ্ঠ,
ভগ্ন রথ ও বিবিধ প্রহরণ আদরণ পূর্বক
পরম যত্নে চিতা প্রস্তুত করিয়া প্রাধান্যা-
নুসারে ঘটধারা সমাজিত ছত্ৰাশনে মহারাজ
দুর্ঘোধন, তাঁহার ভ্রাতৃগণ, শল্য, শল,
ভুরিশ্রবা, জয়দ্রথ, অভিমন্যু, দুঃশাসন-
তনয়, লক্ষ্মণ, ধৃষ্টকেতু, বৃহস্পতি, সোমদত্ত,
সুঞ্জয়গণ, ক্ষেমধন্বা, বিরাট, দ্রুপদ, শিখণ্ডী,
ধৃষ্টদ্যুম্ন, যুধামন্যু, উত্তমৌজা, কোশলরাজ,
দ্রৌপদীর পাঁচ পুত্র, শকুনি, অচল, বৃষক,
ভগদত্ত, কণ, কণের পুত্রগণ, কেকয়গণ,
ত্রিগর্তৃগণ, রাক্ষসেন্দ্র যটোৎকচ, অলম্বুব,
রাজা জলসন্ধ ও অন্যান্য শতসহস্র নরপতির
মৃত দেহ দক্ষ করিতে লাগিলেন । ঐ সময়
কোন কোন মহাত্মা পিতৃযজ্ঞানুষ্ঠানে প্রবৃত্ত
হইয়া সাম বেদ গান করিতে আরম্ভ করি-
লেন । কেহ কেহ মৃত ব্যক্তিদিগের নিমিত্ত
শোক করিতে লাগিল । সেই রজনীতে সাম
ও ঋক্বেদ ধ্বনি এবং রমণীগণের আর্তনাদে
সমুদায় প্রাণিগণ মুচ্ছিত প্রায় হইল । ছত্ৰা-
শন ধমশূন্য ও প্রজ্বলিত হইয়া উঠিলে
বোধ হইতে লাগিল যেন নভোমণ্ডলে গ্রহ
সমুদায় মেঘে পরিবৃত্ত হইয়াছে । যে সমস্ত
ব্যক্তি নানা দেশ হইতে আগমন পূর্বক

অনাথ হইয়া প্রাণ পরিত্যাগ করিয়াছিল, মহাত্মা বিদুর ধর্মরাজের আদেশানুসারে তৈলসংসিক্ত রাশি রাশি কাঠে চিতা প্রস্তুত করিয়া তাহাদিগকে একত্র দাহ করিলেন। হে মহারাজ! এই রূপে বীরগণের দাহক্রিয়া সমাধান হইলে ধর্মরাজ যুধিষ্ঠির ধৃতরাষ্ট্রকে অগ্রসর করিয়া ভাগীরথীর অভিমুখে প্রস্থান করিলেন।

সপ্তবিংশতিতম অধ্যায়।

হে মহারাজ! অনন্তর মহারাজ ধৃতরাষ্ট্র ও অন্যান্য ব্যক্তির পুণ্যতোয়া প্রসঙ্গলিলা ভগবতী ভাগীরথীতে সমুপস্থিত হইয়া ভূষণ ও উত্তরীয় সকল পরিত্যাগ করিলেন। তখন কৌরবকুলকামিনীগণ দুঃখিত মনে গলদশ্রুত নয়নে কেহ কেহ পিতা, কেহ কেহ ভ্রাতা, কেহ কেহ পুত্র, কেহ কেহ পৌত্র, কেহ কেহ স্বশুর, কেহ কেহ পতি এবং কেহ কেহ বা অন্যান্য বন্ধুবান্ধবের উদ্দেশে জলাঞ্জলি প্রদান করিতে লাগিলেন। এই রূপে সেই বীরপত্নীগণ বীরগণের উদককার্য সম্পাদনে প্রবৃত্ত হইলে গঙ্গার অবতরণপথ সাতিশয় সুশোভিত হইল। ভাগীরথীর তীর এক কালে বীরপত্নীগণে সমাকীর্ণ, নিরানন্দ ও উৎসব শূন্য হইয়া উঠিল।

ঐ সময় আর্য্য কুন্তী শোকাকুলিত চিত্তে গলদশ্রুত নয়নে পাণ্ডবগণকে কহিলেন, পুত্রগণ! যে বীরলক্ষণযুক্ত মহাবীর অর্জুনের হস্তে নিহত হইয়াছে; যাহারে তোমরা রাখাগত সম্ভূত সন্তপুত্র বলিয়া নির্দেশ করিতে; যে সৈন্যগণমধ্যে দিবাকরের ন্যায় বিরাজিত হইত; যে তোমাদিগের ও তোমাদের অনুচরগণের সহিত ঘোরতর যুদ্ধ করিয়াছিল; যে দুর্ব্যোধনের সৈন্য সমুদায়কে পরিচালিত করিত; এই পৃথিবীতে যাহার তুল্য বলবীর্য্যসম্পন্ন আর কেহই নাই; যে জীবন প্রদান করিয়া ও যশোলাভের বাসনা করিত;

সেই সত্যসন্ধ সমরে অপরাধু মহাবীর কর্ণের উদককার্য সম্পাদন কর। সেই মহাকবচকুণ্ডলধারী মহাবীর তোমাদের জ্যেষ্ঠ ভ্রাতা। সে দিবাকরের ঔরসে আমার গর্ভে জন্ম গ্রহণ করে। মনস্বিনী কুন্তী এই কথা কহিলে পাণ্ডবগণ কর্ণের নিমিত্ত যাহার পর নাই শোক প্রকাশ করিতে লাগিলেন। অনন্তর ধর্মরাজ ভূজঙ্গের ন্যায় দীর্ঘাধেই পরিত্যাগ পরীক্ষক জননীকে কহিলেন, পিতার যে সমুদ্র সর্প বীরের শরজাল তরঙ্গ স্ব, ধ্বজ আবর্ত স্বরূপ, ভূজয়ুগল গ্রাহ স্বরূপ এবং রথ হৃদ স্বরূপ ছিল; ধনঞ্জয় ব্যতিরেকে আর কোন বীরই যাহার শরবেগ সহ্য করিয়া রণস্থলে অবস্থান করিতে পারিত না, তিনি দেবতার ঔরসে আপনার গর্ভে কি রূপে জন্ম গ্রহণ করিয়াছিলেন? যাহার বাহুবলে আমরা সকলেই পরিতাপিত হইয়াছিলাম, আপনি তাহারে বস্ত্রাচ্ছাদিত বিন্যাস কি রূপে তিরোহিত করিয়া রাখিয়াছিলেন। আমরা যেমন অর্জুনের ভূজবল অবলম্বন করিয়া আছি, তদ্রূপ ধৃতরাষ্ট্রপুত্রগণ যাহার বলবীর্য্য আশ্রয় করিয়াছিল, যাহা ব্যতিরেকে আর কেহই সমস্ত ভূপাটগণের সৈন্য সমুদায়ের তেজ সহ্য করি সমর্থ হয় নাই, সেই ধনুর্ধরাগ্রগণ্য মহাকর্ণ কি আমাদের জ্যেষ্ঠ ভ্রাতা হিঁসে আপনি সেই অদ্ভুতবিক্রম মহাবীরকে রূপে অগ্রে প্রসব করিয়াছিলেন? আ! এই বিষয় গোপনে রাখিয়াছিলেন বা? যাই আমরা এক্ষণে কর্ণের বিনাশ নিবন্ধ বন্ধুবান্ধবগণ সমভিব্যাহারে বিপন্ন হই যাহার পর নাই দুঃখ ভোগ করিতেছি। আমি অভিমত্যা, দ্রোপদীর পঞ্চ পুত্রপাঞ্চাল ও কৌরবগণের বিনাশে যেরূপ পরিতাপিত হইয়াছি, আজি কর্ণের বিনাশ তদপেক্ষা শত গুণ পরিতাপিত হইলাম। এক্ষণে কর্ণবিরহ ছতাশনের ন্যায় আমা

